

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 2008-mi juulip naanerani aningaasaqarneq pillugu nalunaarusiaq.

Imm. 03 Najugaq qimannagu perorsaasutut ilinniarsinnaaneq - Sisimiut.

**Imm. 04 Paaqqinnittarfik Naja/Aleqap iluarsartuunneqarnissaanut immikkut
aningaasaliissuteqarnissamik qinnuteqaat - Sisimiut.**

**Imm. 05 Kangerlussuarmi B669-ip nutarterneqarnissaanut immikkut
aningaasaliissuteqarnissamik qinnuteqaat - Sisimiut.**

**Imm. 06 Kiassarnermut aqqutinut attaveqaammut nutaamut immikkut
aningaasaliissuteqarnissamut qinnuteqaat – Sisimiut.**

**Imm. 07 B-1247-mut Ilaqutariit ornittagaannut inissanut immikkut
aningaasaliissuteqarnissammut qinnuteqaat – Sisimiut.**

**Imm. 08 Namminersortunngortumut immikkut aningaasaliissuteqaqqittoqarnissaanik
qinnuteqaat – Maniitsoq.**

**Imm. 09 10-40-50-illuliornermut atukkiinissamut immikkut aningaasaliissutissamik
qinnuteqaat – Maniitsoq.**

Suliassat nalinginnaasut

Imm. 10 Kommuni ilisarnaattissaa nutaaq.

Imm. 11 Qeqqata Kommuniani pingaartitat politikkillu ataatsimoorussat.

Imm. 12 Assigiimmik akeqartitsinerup aaqqissuuteqqinnera pillugu naliliineq.

**Imm. 13 Sumiiffinni aamma nunap immikkoortuini nunallu tamat mittarfeqarfiit
atorsinnaasaat pillugit Inatsisartut inatsisissaatut siunnersuutip tusarniutaanera.**

**Imm. 14 Nutaamik ineqarnermi maalaaruteqartarfiup suliassai pillugit nalunaarusiassap
tusarniutaanera.**

**Imm. 15 Kalaallit Nunaanni aqqusinertigut angallannermut inatsit naapertorlugu nalunaa-
rutinik atuutilertussanik siunnersuummut tusarniaaneq.**

Imm. 16 Tamalaat.

Ataatsimiinneq aallartippoq nal. 11:00

Peqataasut:

Atassut

Søren Alaufesen, Nummiit oqarasuaatikkut peqataavoq
Karl Davidsen
Bitten Hielmann

Demokraatit

Palle Christiansen

Inuit Ataqaatigiit

Katrine Larsen Lennert
Agathe Fontain
Anda Berthelsen, Mimi Karlsen sinnerlugu
Beathe Poulsen

Siumut

Hermann Berthelsen
Karl Lyberth
Evelyn Frederiksen
Alfred Olsen
Efraim Olsen
Marius Olsen, Hans Frederik Olsen sinnerlugu
Morten Siegstad

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Imm. 16 matoqqasunut nuuneqarpoq.

Oqaluuserisassat akuersissutigineqarput.

13:30 missaaniit 16:00 tungaanut aaqqissuussaanermut tunngasunik isumasioqatigiittoqassasoq siulittaasoq ilisimatitsivoq.

Imm. 02 2008-mi juulip naanerani aningaasaqarneq pillugu nalunaarusiaq

Journalnr. 06.00

Nassuiaateqartoqassaaq.

Aningaasaqarnermut ataatsimiititaliami suliap suliarinera

Ikaarsaariarnermi Ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq suliarivaa.

Innersuussut

Aningaasaqarneq pillugu nalunaarusiaq paasissutissiissutitut saqqummiunneqarpoq.

Aalajangiineq

Sisimiut Kommuniani aningaasat atorineqartut ippigineqarsinnaasut kommunalbestyrelsimi eqqartorneqassapput.

Maniitsup Komuniata akiitsuni 9 mio. kr. ukiup naaneranut nungoreersimasussaagai ilisimatitsissutigineqarpoq.

Ataatsimiut isiginnilluni aningaasaqarniarneq ajunngimmat oqaaserineqarut ilanngullugit tusaatisatut tiguneqarpoq.

Ilanngussat

1. Sisimiut Kommune
2. Maniitsup Kommunea

Imm. 03 Najugaq qimannagu perorsaasutut ilinniarsinnaaneq - Sisimiut

Journalnr. 68.02.12

Tunuliaqutaq

Najugaq qimannagu isumaginninnermi perorsaasutut ilinniarsinnaaneq kommunalbestyrelsimi oqaluuserisassatut Atassutip gruppeata oktobarip 4-ni 2006-mi e-mailikkut nassiuppaa. Kommunalbestyrelsip oktobarip 31-ani 2006-imi meeqqanut kulturimullu ataatsimiititaliami oqaluuserisassatut suliaasaq ingerlateqqippaa.

Maajip 22-ni 2007-imi meeqqanut kulturimullu ataatsimiititaliap pilersaarut akuersissutigivaa, suliallu aningaasaqarnermut ataatsimiititaliamut akuerisassatut ingerlateqqinneqarnissaa aalajangiiffigalugu. Allaffeqarfimmiit suliaq meeqqanut kulturimullu ingerlatsivimmu uterteqqinneqarsimavoq, tassa ilinniartitaanerup qanoq aningaasalersuiffiqineqarnissaa suliami takussutissaqartariaqarmat.

Oktobarip 1-ani 2007-imi kiisalu januaarip 4-ni 2008-mi allakkatigut Kultureqarnermut, Ilinniartitaanerumut, Iisimatusarnermut Ilageeqarnermullu Naalackersuisoqarfiup (KIIN) Sisimiut Kommuneanut oqaatigivaa, illoqarfimmi najugaq qimannagu isumaginninnermi perorsaasutut ilinniartitaaneq pillugu Namminersornerullutik Oqartussat Sisimiut Kommuneanik isumaqatigiissuteqarusuttut. Allakkani takuneqarsinnaavoq, 2007-imiit 2010-mut 1 mio. koruunit najugaq qimannagu isumaginninnermi perorsaasutut Sisimiuni ilinniartitaanerumut aningaasanut inatsisikkut immikkoortinneqarsimasut. Taamatuttaaq takuneqarsinnaalluni, aningaasaliissutit 2008-miit 2011-mut illikartinneqarsinnaasut.

Sisimiut Kommuneata KIIN-i januaarip 21-ani 2008-mi allakkatigut akissuteqarfigivaa, tassa Sisimiut Kommuneat aggustip 1-ani 2008-miit ilinniartitaanerup taassuma allartinneqarnissaa soqutigalugu.

Maleruagassatigut tunngaissaq

Kalaallit Nunaanni isumaginninnermi perorsaasunik ilinniartitsineq, kiisalu isumaginninnermi perorsaasunik ilinniartitsineq pillugu inatsisartut peqqussutaat nr. 2 maajip 20-ni 1998-meersoq.

Ilinniartitaaneq taamaattoq Nuummi 2004-mi aallartinneqarnikuuvoq, Ilulissanilu aamma ukioq manna aallartinneqartussaalluni. Kommunit taakku arlariillutik ilinniartut ilinniarnermi aningaasarsiaat taamatullu taartaasartunut aningaasartuutit akilersugarivaat, naak taama ilinniartitaanerup aningaasaliissuteqarfiginissaanut tunngasut inatsisitigut toqqammavissaqanngikkaluortoq.

Kommunini suliaasaqarfiit aqqissuuteqqinneqarnerat pillugu Inatsisartut inatsisaat nr. 14, 19. november 2007-imeersumi § 20-mi imm. 2 naapertorlugu 2008-mi maajip aallaqqaataata kingorna Sisimiut Kommuneata immikkut tapiissuteqarsinnaangilaq. Immikkut tapiissutit Ikaarsaariarnermi Ataatsimiititaliamit akuersissutigineqassapput.

Pissutsit atuuttut

Ilinniartitaaneq najugaq qimannagu ilinniarnerusaaq, ukiullu pingasut ingerlasussaalluni. Tamatumuuna ilinniartut atuarfimiinnginnerminni suliffimminniittarnissaat siunertaavoq, tassa ilinniakkamut attuumassutilimmik suliffiusumi. Ilinniarnissamik qinnuteqartut amerlanersaat kommunep suliffeqarfiutaani atorfeqartuupput. Tamatumanilu siunertaalluni, ilinnialersussat kommunep suliffeqarfiutaanni assigiinngitsuni ilinniarnertik tamaat atorfeqartuunissaat. Tamatuma kingunerissavaa, Sisimiut Kommuneata ilinniartut ilinniarnerisa nalaani akissarsiaat tamakkiisumik akilersussagai. Peqatigitillugu kommunep taartaasunut aningaasartuutit aamma aningaasartuutigissavai, tassa ilinniartut atuarfimiinnerisa nalaanni.

Maluginiaqquneqassaaq, Sisimiut Kommuneani nunaqarfinniit qinnuteqartut kommunep suliffiutaasa iluini aaqqinniarneqartassammata, taamaalilluni kommunemi isumaginninnermi tunngasutigut sulisut tamarmik ilinniarnissamut assigiimmik periarfissinniarlugit.

Massakkumut init ilinniartitsiffiusussat eqqarsaatigalugit suli inaarutaasumik isumaqatigiissuteqartoqanngilaq, paasissutississutaallunili meeqqanut kulturimullu ingerlatsivik ininik atorneqarsinnaasunik namminersortut pigisaannik piukkunnartunik isumaqatigiinniuteqartoq.

Ilinniarniat 20-t kommunep nammineq suliffiutaaneersut akuerineqarsimapput, aggustillu 25-ni 2008-mi aallartinnissaat anguniarneqarluni. Ilanngussaq 4-mi takuneqarsinnaavoq, najugaq qimanagu isumaginninnermi perorsaasutut kikkut ilinniarniarlutik qinnuteqarsimanersut.

Aningaasaqarnikkut allaffissornikkullu kingunersinnaasai

Sisimiut Kommuneata ilinniartut atuarfimmiiinnerisa nalaanni taartaasussanut aningaasartuutissai.

Atorfiit pineqartut eqqarsaatigalugit agguaqatigiissillugu akissarsiat qaammammut 15.756,66 koruuniupput.

Najugaq qimannagu perorsaasutut ilinniartut atuarnissaannik pilersaarut naapertorlugi, ilinniartut 2008-miit 2011-mut sapaatip akunnerini 98-ini atuarfimmiiittassapput. Ilinniartunut 20-nut inissaqarmat, kommune piffissami pineqartumi taartaasarnissamut 7.720.763,40 koruunit aningaasartuutigissavai.

2008-mi taartaasarnissamut aningaasartuutissat 1.181.749,50 koruuniussallutik (sap.ak. 15-it)
2009-mi taartaasarnissamut aningaasartuutissat 2.127.149,10 koruuniussallutik. (sap.ak. 27-it)
2010-mi taartaasarnissamut aningaasartuutissat 2.678.632,20 koruuniussallutik. (sap.ak. 34-it)
2011-mi taartaasarnissamut aningaasartuutissat 1.733.323,60 koruuniussallutik. (sap.ak. 22-it)

7.720.763,40 koruunit karsimiittuutinik akilerniarneqassapput.

Aningaasartuutissat kontomut ataatsimoorussamut ilanngunneqassapput karsimiittuttinillu aningaasaliiffiqineqarlutik imatut

Konto	2008	2009	2010	2011
50-01-00-01-10	+1.181.700 kr.	+2.127.100 kr.	+2.678.600 kr.	+1.733.300 kr.
89-00-00-90-01	-1.181.700 kr.	-2.127.100 kr.	-2.678.600 kr.	-1.733.300 kr.

Allaffeqarfiup oqaaseqaatai

Nuup Kommunia kiisalu Ilulissat Kommuniat matumunnga assingusumik isumaqatigiissuteqarmata, Sisimiut Kommuneata Namminersorerullutik Oqartussanik SPS-imillu matuma siuliani eqqartukaniit allaannerusumik isumaqatigiissuteqarsinnaanissaat ajornakusuussagunarpoq.

Ilinniartitaanerup aaqquisuusaaneranut Namminersornerullutillu Oqartussanik isumaqatigiissuteqar-sinnaanermut sulii naammassineqanngitsumut atatillugu allaffissornikkut kingunerisinnaasaasa siulittuutiginnissaat ajornakuusoortorujussuuvoq. Nalinginnaasumillu naligiimmik pineqarnissamik tunngaviusartut kommunillu innuttaasunik naligiimmik pinnittuunissaannik malitassarisaat isigini-artillugit ajornakusoortorujussuusussaasaq. Immikkut sunniteqartussamik isumaqatigiissuteqar-sinnaanissaq ilinniarfissamillu pilersitsinnaanissaq siulittuutigiuminaapput, Sisimiullu kommunean-ut kalaallit nunaanilu kommuninut akisoorujussanngorsinnaasoq.

Taamaammat Sisimiut Kommuneata immikkut aningaasaliissuteqarnissaanut atatillugu taamatullu-Namminersornerullutik Oqartussanik isumaqatigiissuteqarnissamini erseqqissartariaqassavaa, taama ilinniagaqarnermut kommunep aningaasartuuteqarnissaa immikkorluinnaq pisutut isiginiarneqassasoq, ilinniarfissallu aallarnisarnerani pitsaavinngitsumik ingerlasimaneq patsisaasoq, tassa ilinniagaqarniat ilinniarnissaannik akuerineqareersimallutik, naak aningaasalersuinissamut tunngasut kiisalu Nuup Kommuniata aamma SPS-ip taamatullu Ilulissat Kommuniata SPS-illu akornini nammaqatigiinnissami agguataarnissat pillugit isumaqatigiissuteqarnerinit immikkut sunniteqartussamik isumaqatigiissuteqarsinnaanissaq inissinneqarsimanngikkaluit. Taamatuttaaq ersarissartariaqarluni, suliassatigut nammaqatigiinnissami agguataarinissaat eqqarsaatigalugu, kommunep siunissami najugaqarfigisaq qimannagu ilinniarfissat pilersinnissaat aningaasaliiffiginissaalluunniit naatsorsuutiginnimgu.

Ilinniartussat atuarfimiinnerisa nalaat tamakkerlugu taartaasussanut aningaasartuutissat kommunep nammatassarimmagit, peqatigitillugulu ilinniartut iliniarnerisa nalaanni akissarsiaat tamakkiisumik akilersortussaallugit, kommune najugaqarfigisaq qimannagu isumaginninnermi perorsaasutut ilinniarniarlutik qinnuteqartut kommunep suliffiutaani suliallit pisinnaasaasigut nalilersuiffiginerini tulleriarnermilu peqataasinnaasariaqaralarpoq. Piumasaqaallu tassaasinnaalluni minnerpaamik ukiumi ataatsimi kommunemi atorfeqarsimanissaq. Aammattaaq piumasaqaataasariaqarpoq, ilinni-arnerup naammasserata kingorna, ilinniartoq sivikinnerpaamik sulisitsisumini ukiut pingasut sivikinnerpaamik sulissaasoq.

Allaffeqarfiup innersuussutaa

Innersuussutigineqassaaq aningaasaqarnermut ataatsimiititaliap kommunalbestyrelsimut Ikaarsaa-riarnermilu Ataatsimiititaliamut akuereqqullugu innersuussutigissagai

- Sisimiuni najugaqarfigisaq qimannagu isumaginninnermi perorsaasutut ilinniarnissap aallartinneqarnissaa
- 2008-miit 2011-mut ilinniartussat atuarfimiinnerisa nalaanni taartaasartussanut karsimiittuutinik immikkut 7.720.763,40 koruuninik aningaasaliissuteqartoqarnissaa, kiisalu
- qinnuteqartut akuerineqannginnerini tunngavilimmik nalilersuisarnissaa tulleriarisarnissaa-lu kommunep isummerfigissagaa, soorlu qinnuteqartup kommunemi qanoq siviutigisumik atorfeqarsimanera qanorlu ukioqarnera eqqarsaatigalugit aammalu piumasaqaataasinnasut allat piumasaqaatillu allat.

Aningaasaqarnermut ataatsimiititaliap siulittaasuata suliamik sularinninnera

Aningaasaqarnermut ataatsimiititaliap juulip 3-ani 2008-mi allaffeqarfiup innersuussutaa akuersissutigivaa.

Sulianik agguataarisarneq pillugu Namminersornerullutik Oqartussat allaffigineqassapput.

Borgmesterip suliamik suliaqarnera

Kommunalbestyrelsi sinnerlugu borgmesteri juulip 25-ani 2008-mi aalajangiivoq aningaasaqarnermut ataatsimiititaliap aalajangiinera akuersissutigineqassasoq, takuuk allaffeqarfiup innersuussutaa.

Taamatut aalajangerneq kommunalbestyrelsip tulliani ataatsimiinnerani ilisimatitsissutigineqassaaq.

Aningaasaqarnermut ataatsimiititaliami suliap suliarinera

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa.

Innersuussut

Suliaq inaarutaasumik akuerisassanngorlugu Ikaarsaariarnermi Ataatsimiititaliamut saqqummiunneqarpoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Najugaqarfigisaq qimannagu isumaginninnermi perorsaasutut ilinniagaqarnerup aaqqissuussaa-nera
2. Kalaallit Nunaanni isumaginninnermi perorsaasunik ilinniartitsineq, kiisalu isumaginninnermi perorsaasunik ilinniartitsineq pillugu inatsisartut peqqussutaat nr. 2 maajip 20-ni 1998-imeersoq
3. Sisimiuni isumaginninnermi perorsaasutut ilinniartunut atuarnissaannik pilersaarutitut siunner-suut
4. Ilinnialersussat pillugit nalunaarsuut
5. Meeqqanut kulturimullu ataatsimiititaliap suliamik suliaqarnera

Imm. 04 aningaasaliissuteqarnissamik qinnuteqaat - Sisimiut

Journalnr. 06.02.01/44.03.00

Tunuliaqutaq

Paaqqinnittarfik nutaanngitsuvoq, ilaatigullu ullutsinnut naleqquttuunani. Ajornartorsiutaanerpaapput ilusilersugaanera, illup iluata silaannaa, naqqup isugutannera kiisalu meeraaqqerivittaani naqqup nillerpallaarnera.

Paaqqinnittarfik nakorsaaneqarfimmiit isorineqarnikuvoq, misissuinermilu annertuumik iluarsartuussinissaq pisariaqartoq paasineqarpoq.

Siusinnerusukkut silaannarissorfilersorneqarnissaanut aningaasaliisoqarnissaanik

qinnuteqartoqarnikuvoq, sanaartugassallu pilersaarusiorneqarnerannut paaqqinnittarfimmillu attaveqarnermut atatillugu, ajornartorsiutit taaneqartut paasineqarput misissorneqarlutilu.

Taamaattumik silaannarissarfinnik suliniuteqarneq unitsinneqarallarpoq, tamakkiisumik aaqqiissuteqarsinnaanerup saqqum-miunneqarsinnaanngornissaata tungaanut, silaannarissarfiimmi suliarineqareernerisa kingorna illup allannortiterneqarnera pissutigalugu allannortiteqqinneqassappata siunertaqanngimmat.

Maleruagassatigut tunngavissaq

Illuliornermut malittarisassat 2006

Kommunini suliasaqarfiit aqqiissuteqqineqarnerat pillugu Inatsisartut inatsisaat nr. 14, 19.

november 2007-imeersumi § 20 imm. 2 malillugu, 2008-mi maajip aallaqqaatata kingorna Sisimiut Kommunian immikkut aningaasaliissutissanik akuersissuteqarsinnaanngilaq. Immikkullu aningaasaliissuteqartoqassappat Ikaarsaariarnermi Ataatsimiititaliamit akuersissutigineqartussaapput.

Pissutsit atuuttut

Ilusilersugaanera tulluurtuunngilaq sulisummi sulisut inaannukarniarunik meeqqerivimmiit meeqqeriviup inaata aappaa meeraaqqerivillu aqqusaaqqaartussaammattigit, tamannalu kissaataanngitsumik akornusersuutaasarpoq. Tamatumunnga ilanngullugu sinitsitsisarfiit aappaat errorsisarfiup saniatunngaani inissisimammatt ajornartorsiutaavoq, maskiinallu ingerlatillugit annertuumik nipiliortoqartarluni. Tamatumunnga ilanngullugu silaannarissarfiit illup iluani silaannarmik iluarsisussat inissaqartinneqanngillat.

Paaqqinnittarfiup illup iluani silaannaa ajortorujussuvoq, isugutammik tipimillu ajornartorsiortoqarpoq, silaannarissarnermilu nillimik silaannarmillu noqqoruutsitsitsineq ajornartorsiutaasarpoq. Silaannaa oqimaatsuuvoq tujorminartuullunilu, aamma amerlasuut isiminnik ekseminillu ajornartorsiuteqarput.

Meeraaqqerivinni marluusuni nateq nillertorujussuvoq, meeqqallu pinnguarfigisarmassuk tassuuguinnarlu napparsimalertarlutik ajornartorsiutaavoq.

Upernaakkut aasakkullu meeraaqqerivittaani natermiit isugutak ajornartorsiutaasarpoq, tamannalu illup iluani inini qaffasinnerusuni tipimik isugutammillu ajornartorsiutaasunik pilersitsisarpoq, tamannalu sulisunut meeqqanullu avatangiisitigut ajornartorsiutaavoq.

***Ikaarsaariarnermi Ataatsimiititaliap aggustip 25-ani 2008-mi ileqquusumik ataatsimiinnera
04/2008***

Aningaasaqarnikkut allaffissornikkullu kingunerisinnaasai

Missiliuut C-mi aningaasaliissuteqarnissaq tamakkiisoq 1.455.000,- koruunit missaanni annertussuseqarpoq, takuuk ataani eqitsimmi missingersut. Siusinnerusukkut silaannarissarfinnut 210.000,- koruuninik aningaasaliisoqarnikuvoq.

Kontonormu	Kontop taaguutaa	Aningaasat
50-05-02-22-03	Naja/Aleqa	210.000,-
50-05-02-22-03	Naja/Aleqa	+ 1.245.000,-
89-00-00-90-01	Karsimiittuutit	- 1.245.000,-

Aallaqqaammut 210.000,- koruuninik + 40.000 koruuninik Naja/Aleqa-mi ingerlatsinermit aningaasaliisoqarnissaa qinnutigineqarnikuvoq, paaqqinnittarfinni nutaani silaannarissarfinnut akitut neqeroorutaasartut aallaavigalugit. Taamaattorli akinik neqeroortitsineq akisunerusoq paasineqarpoq, tassalu 500.000,- koruunit missaaniilluni.

Akip qaffasinneruneranut Naja/Aleqa amerlanerusunik initaqarnera patsisaavoq, taamaasilluni sanaartugassaq atortutigut suliallu sivirusunerunissaanik kinguneqassalluni, soorluttaa qilaami inini ikkussuinissaq killeqarmat ruujorit ingerlaarfigissammassuk, tamannalu sanaartortumut pifissamik annertunerusumik atuiffiussalluni. Taakku saniatigut akitut neqeroorutaasoq siulleq sanaartukkatut nutaatut aallaaviligaavoq, kisianni Naja/Aleqa-mi ajornarnerussaaq sanaartukkap ingerlanneqarnissaani paaqqinnittarfik ammatiinnarneqartussaammat, tamatuma kingunerissavaa sanaartortup pissutsit malillugit suleriaatsini nalimmassartussaammagit, tamannalu aamma pifissamik atuinerunissamik kinguneqassalluni.

Allaffeqarfiup naliliinera

Teknikkimut avatangiisinullu ingerlatsivik ajornartorsiummik aaqqiissutissatut siunnersuusiornikuvoq, aaqqiissutissamik paaqqinnittarfiup tamakkiisumik iluarsartuunneqarnissaanut ukiut qulit missaani piusinnaangortitsisussamik.

Siunnersuutaasumi torsuusaq aqusaagassaq meeqquerivimmilu init ilaat sulisut inaannut allanngor-tinneqarput, peqqumaasivimmilu pioreersumi torsuusamik pilersitsisoqarluni. Meeqquerivimmi init ilaasa peernerisigut init annertussusaat anginerulissapput, torsuusamilu aqusaagassamiinnikumi peqqumaasivimmi sulisut inaanni peqqumaasivinnik sikaavinik piliisoqassaaq. Sulisut inaanni peqqumaasiviit aamma meeraaqqerivinni atugassaapput, aamma meeqqerivik meeraaqqerivimmi peqqumaasivinnik nutaanik sikaavinnik peqarpoq.

Sulisut inaanni sulisut atisaannut atisanut/natsanut nivinngaavimmik kiisalu igaffeeqqamik pilersitsisoqassaaq.

Meeraaqqerivimmut paarsuaasamik silammullu matumik piliisoqassaaq.

Sulisut inigisimasaannut sinitsitsisarfik errorsisarfiup sanianut nuunneqassaaq. Taava sinitsitsisarfiusimasooq silaannarissarfiup atortorissaarutaanut atorineqassaaq. Silaannarissarfiit ikkussorneqareeriarpata, taava assersuutigalugu tassani qerititsivinnut inissaqalersinnaassaaq.

Paaqqinnittarfik tamakkerlugu silaannarissarfinnik tamakkiisunik ininik tamanik, igaffiit minillugit, silaannarissaasussanik ikkussuisoqassaaq. Igaffimmi milluaasunik immikkut ikkussisoqassaaq, pioreersuniit pitsaannerusunik. Atortorissaarutip silaannaq ajortup silaannarlu isugutasooq piassavai, nillimik silaannarmilluunniit noqqoruutsitsinermi ajornartorsioortitsinngikkaluarluni. Atortorissaarut naqitsinilerlugu ingerlatinneqassaaq, taamaasilluni illumi ussiinnerniit noqitsinerunnaasut annikinnerpaaffianiitissallugit, igaffimmiillu silaannaq ininut isaasinnaajunnaarlugu.

Meeraaqqeriviusuni inini marlunni naqqit kiassaaserneqassapput, tamanna natermik pitsaasumik kissalaartumillu pilersitsissaaq, pinnguarnerni il.il. isersimaffiginissaanut tulluartunngorluni.

Natermiit isugutammik ajornartorsiut imiusinnaasup piiarneqarnissaanut milluaammik pilersitsinikkut aaqqinneqarsinnaavoq, natermilu pitsaanagerusunik silaannarissarfiliinikkut, pitsaasumik inerneqassappat silaannarissaammik innaallagissamoortumik peqarnissaq pisariaqarluni.

Aammattaaq paaqqinnittarfik tamarmi qalipanneqartariaqaraluarpoq, sulisummi sulinerini kigartornernik pisoqarsinnaammat, aammalu qalipanneqaruni kusanartumik isikkoqalissagaluarpoq.

Meeqqanut kulturimullu ingerlatsiviup innersuussutaa

Meeqqanut kulturimullu ingerlatsiviup meeqqanut kulturimullu ataatsimiititaliamut siunnersuutigaa,

siunnersuut akuersissutigineqassasoq kiisalu aningaasat akuersissutigineqassasut karsimiittuutiniillu nuutsisoqassasoq.

Meeqqanut kulturimullu ataatsimiititaliami suliap suliarinera

Meeqqanut kulturimullu ataatsimiititaliap apriliip 23-ani 2008-mi ataatsimiinnermini suliaq suliarivaa.

Utaqqiisaasumik iluarsaattariaqarpoq.

Imm. aningaasaqarnermut ataatsimiititamut ingerlateqqinneqarpoq.

Allaffeqarfiup innersuussutaa

Qitiusumik ingerlatsiviup innersuussutigissavaa, Ikaarsaariarnermi Ataatsimiititaliap Aningaasaqarnermut Ataatsimiititaliaani suliaq eqqartorneqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 14-ani 2008-mi ataatsimiinnermini allaffeqarfiup innersuussutaa taperserlugu akuersissutigaa.

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa.

Innersuussut

Naja-p/Aleqa-p iluarsartuunnissaanut immikkut aningaasaliissuteqarnissamik qinnuteqaatip akuersissutigineqarnissaa aningaasaqarnermut ataatsimiititaliap Ikaarsaariarnermi ataatsimiititaliamut innersuussutigissavaa, eqitsit matuma qulaaniittoq takuuk.

Aalajangiineq

Innersuussutigineqartoq akuersissutigineqarpoq.

Ilanngussat

1. Pissutsit piviusut assinga.
2. Nutaamik ilusilersornissaanut siunnersuutitut titartagaq.
3. Missiliuut C.
4. Nuna tamakkerlugu nakorsaanerup nalunaarusiaa.

**Imm. 05 Kangerlussuarmi B669-ip nutarterneqarnissaanut immikkut
aningaasaliissuteqarnissamik qinnuteqaat - Sisimiut**

Journalnr. 17.05.00

Tunuliaqutaq

Kangerlussuarmi B669 amerikkarmiut sakkutuuisa najugaqarfigisimasaat inissianut nalinginnaasunut 20-nut 2003-mi nutarterneqarpoq. Pilersaarummut matumunnga titartaasartoq Illusaaq tegnestue ApS atorneqarpoq. Init nutartereernerisa kingorna isugutattarneq, iggavimmi milluaasumit aalanik kusertoortarneq aamma igalaani aalap serminnguuttarnera ajornartorsiutigineqarsimapput. Teknikkimut avatangiisinullu ingerlatsivik aallaqqaammulli Illusaaq Tegnestuen ApS ajornartorsiutinik pilersimasunik akisussaatisimavaa, piffissarli sivisooq siulleg iluatsitsiviusimanani. Taamaakkaluartorli iggavimmi milluaasumit aalanik kusertoortarneq aamma uffarfinni silaannarissartarfiit ajornartorsiutaanera Illusaaq Tegnestuen ApS-ip nassuerutigisimavaa. Silaannarissartarfiit qulerpiaanni kaabilinik kiassaataasunik ikkussinikkut ajornartorsiut tamanna qaangerniarneqarsimagaluarpoq, kisiannili tamanna pitsaasumik atasinnaasumillu aaqqiinerunersoq aalajangerneqarsinnaanngilaq. NIN, Teknikkimut avatangiisinullu ingerlatsivik aamma Illusaaq Tegnestuen ApS peqataanerisigut 2008-mi apriliip 9-ani illuut alakkarterneqarpoq. Tamatuma kingunerisaanik ajornartorsiutit qaangerniarneqarnissaannut Illusaaq Tegnestuen ApS siunnersuuteqarpoq, soorluttaaq ajornartorsiutaasunut pisuussut ilaatigut akuerisimaga.

Maleruagassatigut tunngavissat

Illuliornermut malittarisassat 2006-imeersut

”Kommunini suliaasaqarfiit aqqiissuteqqinneqarnerat pillugu Inatsisartut inatsisaat nr. 14, 19. november 2007-imeersumi § 20-mi imm. 2 naapertorlugu 2008-imi maajip aallaqqaataata kingorna Sisimiut Kommunea immikkut tapiissuteqarsinnaanngilaq. Immikkut tapiissutit ikaarsaariarnermi ataatsimiititaliamit akuersissutigineqassapput.”

Pissutsit atuuttut

Tullinnguuttut inini ajornartorsiutigineqarput:

- Inini isugutak, pingaartumik uffarfimmi aamma igalaani isugutak serminnguuttartuq. Ukiuunerani igalaat sermeqarnerisigut ammarsinnaanngittarnerini isugutak malunnarnerusarpoq.
- Upernaakkut iggavimmi milluaasumit aalaq kusertarpoq.
- Igalaat ilaat sioraqaramik matujuminaattarput.
- Inini iikkani silaannarissartarfeqanngilaq. Silaannarissartarfituaasut igalaat sinaatungaanniikkamik tassuuguinnaq sioraqalertaramik atorneqarsinnaanngillat.

Qulaani ajornartorsiutigineqartut najugaqartut ukiuni tallimani ajornartorsiutigisimavaat.

Allaffeqarfiup naliliinera

Illusaaq Tegnestuen ApS-ip nalunaarusiaminni innersuussutigaat, inini isugutattarnerata qaangerniarneqarnissaanut igalaat tamarmik taaserneqassasut, iikkanilu nalinginnaasunik silaannarissartarfiiliisoqassasoq.

Iggavinni milluaasuni aamma uffarfinni aalap kusertarneranut aaqqiissutissatut siunnersuutigaat, silaannarissartarfirmik silaannarissaajuartumik pilersitsisoqassasoq, tassuunakkut isugutak silaannarissartarfinni uninngaannarunnaarluni kusertarunnaarniassammat.

Inini tamani silaannarissartarfiliinissaq Teknikkimut avatangiisinullu ingerlatsivup aaqqiissutissatsialattut isigaa. Tamanna aamma akisorujussuannikkaluamik pisinnaammat. Iikkami silaannarissartarfiliinissaq piaartumik isumagineqassasoq innersuussutigineqarpoq. Tamatuma saniatigut aalap kusertarnerata anigorniarneqarnissaanut silaannarissartarfinni ataavartumik silaannarissaasiisoqarniarnera Teknikkimut avatangiisinullu ingerlatsiviata iluarisimaarppaa. Tamatumunnga atatillugu akikinnerpaamik aaqqiissuteqarnissamik suliffeqarfimmik ujartuisussamik suliakkiisoqarnissaa, soorlutaaq pilersitsinissaq 2009-mi pissasoq innersuussutigineqarpoq.

Teknikkimut avatangiisinullu ingerlatsiviup innersuussutigaa, igalaat taarserneqassanngikkallartut, matumani Teknikkimut avatangiisinullu ingerlatsivik isumaqarami suliniutigineqartut allat ajornartorsiummut aniguisitsisinnaasut. Igalaalli taarserneqassanersut ukialuit qaangiuppata nalilersuiffiqeqqinneqartariaqarpoq.

Illusaaq tegnestue ApS allakkiamini neqeroorutigaa, igalaat taarserneqarnissaat silaannarissartarfiillu sanatitsisumut akissaaajaataanngitsumik pilersaarutitut siunnersuusiorniarluni. Pilersitsinissamulli aningaasartuutit sanatitsisup nammineq aningaasartuutigissavaa. Ingerlatsivilli isumaqarpoq, sanaartornermut atatillugu kukkusumik pilersaarusiortoqarsimassasoq, ilimaginaguli suliassat suliarineqarnerannut atatillugu Illusaaq tegnestue ApS aningaasartuutinik isumaginissasoq. Taamaattumik pilersaarusiortoqarnissaa Teknikkimut avatangiisinullu ingerlatsiviup qujarutigaa.

Aningaasaqarnikkut allaffissornikkullu kingunerisinnaasai

Inini tamani iikkani silaannarissartarfiliinissamut 80.000 kr.-it qinnutigineqarput.

Kontop normua	Kontop taaguutaa	Aningaasat
	B669-imi kukkunernik amigaatinillu suliariaqarneq	80.000,00 kr.
89-00-00-90-01	Karsimi uninngasuutit	- 80.000,00 kr.

Tamatuma saniatigut iggavinniit uffarfinniillu ataavartumik silaannarissaasinnaasunik pilersitsinissamut 2009-mut missingersuutini 350.000 kr.-inik immikkoortitsisoqarnissaa kissaatigineqarpoq.

Teknikkimut avatangiisinullu ingerlatsiviup innersuussutaa

Teknikkimut avatangiisinullu ingerlatsiviup Teknikkimut avatangiisinullu ataatsimiititaliamut innersuussutigaa,

Kangerlussuarmi B669-imi inini tamani silaannarissartarfiliinissamut 80.000 kr.-inik immikkut aningaasaliisoqarnissaanik qinnuteqartoqassasoq.

Iggavinniit uffarfinniillu milluaasuni ataavartumik silaannarissaasinnaasunik pilersitsinissamut 2009-mut missingersuutini 350.000 kr.-inik immikkoortitsisoqassasoq.

Suliaq aningaasaqarnermut ataatsimiititaliamut ikaarsaariarnermilu ataatsimiititaliamit suliarineqartussanngorlugu ingerlateqqinneqassaaq.

Teknikkimut avatangiisinullu ataatsimiititaliami suliap suliarinera

Teknikkimut avatangiisinullu ataatsimiititaliap juunip 3-ani 2008-mi ataatsimiinnermini ingerlatsiviup innersuussutaa akuersissutigivaa.

Allaffeqarfiup innersuussutaa

Qitiusumik ingerlatsiviup innersuussutigissavaa, immikkut aningaasaliissuteqarnissaq kommunalbestyrelsimut ikaarsaariarnermilu ataatsimiititaliamut akuereqqullugu innersuussutigineqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap juunip 18-ani 2008-mi ataatsimiinnermini allaffeqarfiup innersuussutaa akuersissutigivaa.

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa.

Innersuussut

Kangerlussuarmi B669-ip iluarsartuunnissaanut immikkut aningaasaliissuteqarnissamik qinnuteqaatip akuersissutigineqarnissaa aningaasaqarnermut ataatsimiititaliap Ikaarsaariarnermi ataatsimiititaliamut innersuussutigissavaa, eqitsit matuma qulaaniittoq takuuk.

Aalajangiineq

Innersuussutigineqartoq akuersissutigineqarpoq.

Ilanngussat

1. missingersuut C

**Imm. 06 Kiassarnermut aqqutinut attaveqaammut nutaamut immikkut
anigaasaliissuteqarnissamut qinnuteqaat - Sisimiut**

Journalnr. 17.05.00

Tunuliaqutaq

Ilinniartunut inissiat nutaat 30-t sanaartorneqartussaapput. Illoqarfimmi immikkoortumut pilersaarut naapertorlugu taakku kiassarnermut aqqutinut attavilerneqartussaapput. Maannakkut kiassarnermut aqquit taamaatsillugit, nutaamik attaviliinissaq qularnangitsumik akornutissartaqanngilaq. Nukissiorfilli tamanna pillugu sulisarsissumik nalunaaruteqanngilaq. Sanaartorfissap ungasiginngisaani ingeniørinngornianut inissialiornissaq pilersaarutigineqarpoq. Ilinniartut inissaasa 30-t eqqaanniippoq utoqqarnut pisinnaanerusunut inissiat, sulisanaartortoqarnissaa pilersaarutigineqarluni. Sanaartugassat nutaat taakku attavilerneqarsinnaassappata, kiassarnermut aqquit annertusineqartariaqarput.

Maleruagassatigut tunngavissat

Illoqarfimmi immikkoortumut pilersaarut A15c § 7 imm. 2

”Kommunini suliasaqarfiit aqqissuteqqinneqarnerat pillugu Inatsisartut inatsisaat nr. 14, 19. november 2007-imeersumi § 20-mi imm. 2 naapertorlugu 2008-imi maajip aallaqqaataata kingorna Sisimiut Kommunea immikkut tapiissuteqarsinnaanngilaq. Immikkut tapiissutit ikaarsaariarnermi ataatsimiititaliamit akuersissutigineqassapput.”

Pissutsit atuuttut

- Ilinniartut inaat nutaat 30-t sanaartorneqassapput
- Ingeniørinngornianut inissialiornissaq pilersaarutigineqarpoq
- Ilinniartut inissaasa, ingeniørinngorniat inissaasa utoqqaallu inissaasa kiassarneqarnissaannut maannakkut kiassarnermut attaveqaatit annikippallaarput.
- Illoqarfimmi immikkoortumut pilersaarut naapertorlugu attavilernissaq piumasaqaataavoq

Allaffeqarfiup naliliinera

Immikkoortumi kiassarnermi attaveqarpat, illoqarfimmi immikkoortumut pilersaarut naapertorlugu sanaartukkat nutaat tamarmik attavilerneqarnissaat piumasaqaataavoq. Pissutsit maannakkut taama itsillugit immikkoortumut kiassarnermut attavik naammattumik pilersuisinnaanngilaq, taamaattumillu ingeniørinngornianut inissiasanut nutaanut attaviliisoqarsinnaassanani. Immikkoortumi utoqqarnut inissialioqqittoqarnissaa aamma kissaataavoq. Utoqqarnut inissiat pingasut massakkut piusut namminneq kiassaateqarfeqarput, utoqqarnullu inissiamik ataatsimik sanaartortoqassappat taanna qularnangitsumik annertusineqassalluni. Kiassarnermut aqquit annertusinerisigut inissiat tamarmik kiammik pilersorneqarsinnaassapput.

Anigaasaqarnikkut allaffissornikkullu kingunerisinnaasai

Kiassarnermut attaviup annertusineqarnissaanut missingersuut C 995.000 kr.-inik naleqartinneqartoq ilanngunneqarpoq.

Anigaasat ukioq manna anigaasaliissutigineqaralarpata, ilinniartunut inissiat 30-t sanaartorneqarneranni ingerlatsinermi anigaasartuutinut annertuumik sipaarutaaffiussapput. Anigaasat 2009-mut missingersuusiani immikkoortinneqarsinnaapput, taamaattoqassappalli ingerlatsinermi anigaasartuutit annertusissapput.

Anigaasat immikkoortinneqassanngikkalarpata, ilinniartut inissaannut 30-nut sulisanaartortoqarsinnaassaaq, anigaasartuutilli taakku sanaartornermi anigaasartuutinut ilanngunneqassallutik.

***Ikaarsaariarnermi Ataatsimiititaliap aggustip 25-ani 2008-mi ileqquusumik ataatsimiinnera
04/2008***

Kontop normua	Kontop taaguutaa	Aningaasat
	Kiassarnermut aqqutit annertusineqarnissaat	995.000,00 kr.
89-00-00-90-01	Karsimi uninngasuutit	- 995.000,00 kr.

Teknikimut avatangiisinullu ingerlatsiviup innersuussutaa

Teknikkimut avatangiisinullu ingerlatsiviup Teknikkimut avatangiisinullu ataatsimiititaliamut innersuussutigaa,

Ingeniøringgorniat inissaannut siunissamilu utoqqaat inissaannut attaviliisoqarsinnaaqqullugu kiassarnermut aqqutit annertusineqarnissaannut 995.000 kr.-inik immikkut aningaasaliisoqarnissaa qinnutigineqassasoq.

Immikkoortoq aningaasaqarnermut ataatsimiititaliamit ikaarsaariarnermilu ataatsimiititaliamit suliarisassanngorlugu ingerlateqqinneqassaaq.

Teknikimut avatangiisinullu ataatsimiititaliami suliap suliarinera

Teknikimut avatangiisinullu ataatsimiititaliap juunip 3-ani 2008-mi ataatsimiinnermini suliaq suliarivaa.

Sanaartornermi aningaasat Nukissiorfimmit utertinniarneqarnissaanik oqaasertalugu ingerlatsiviup innersuussutaa akuersissutigineqarpoq.

Aalajangiinermut oqaaseqaat:

(ilinniartut inissaannik 30-nik aamma ingeniøringgornianut inissialiornissamik naatsorsuuteqarneq patsisaalluni nutaanik pilersuiviliisoqartariaqarpoq, taamaakkaluartorli Nukissiorfiup tungaani inaarutaasumik akuersissummik pissarsisinnaasimanngilagut. Inaarutaasumik aalajangiinissamik Nukissiorfik piunaffigineqassaaq)

Allaffeqarfiup innersuussutaa

Qitiusumik ingerlatsiviup innersuussutigissavaa, immikkut aningaasaliissuteqarnissaq kommunalbestyrelsimut ikaarsaariarnermilu ataatsimiititaliamut akuereqqullugu innersuussutigineqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 18-ani 2008-mi ataatsimiinnermini allaffeqarfiup innersuussutaa akuersissutigivaa.

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa.

Innersuussut

Kiassarnermut attaveqaatip iluarsartuunnissaanut immikkut aningaasaliissuteqarnissamik qinnuteqaatip akuersissutigineqarnissaa aningaasaqarnermut ataatsimiititaliap Ikaarsaariarnermi ataatsimiititaliamut innersuussutigissavaa, eqitsit matuma qulaaniittoq takuuk.

Aalajangiineq

Innersuussutigineqartoq akuersissutigineqarpoq.

Ilanngussat

1. Missingersuut C
2. Takussutissaq

**Imm. 07 B-1247-mut Ilaqutariit ornittagaannut inissanut immikkut
anigaasaliissuteqarnissammut qinnuteqaat – Sisimiut**

Journalnr. 09.03

Tunuliaqutaq

Kommunalbestyrelsi februaarimi 2008-mi nalinginnaasumik ataatsiminnermini aalajangiivoq, Sisimiuni Ilaqutariinnut ornittagassamik pilersitsinissaq aallarnisarneqassasoq.

Inatsisitigut tunngavissaq

Aqutsinermi inatsimmi imm. 3-mi Sisimiut Kommuneata Karseqarnermi naatsorsuuserinermilu malittarisassaanni erserpoq, kommunalbestyrelsi anigaasaliinermi oqartussaasuusoq.

Aaqqissuusseqqinnermut atatillugu Ikaarsaariarnermut ataatsimiititaliap maajip 1-niit 2008-mi immikkut anigaasaliissutissat tamaasa akuersissutigisassavai.

Pissutsit atuuttut

Sisimiuni Ilaqutariinnut ornittagassap aallaqqaammut ornittagaagallartussatut aalajangiunneqarpoq, aqutsisut suleqatigiinnissaq ataqatigiissaarneqassasoq. Taamatut aalajangiisoqarpoq, inissamik amigaateqarneq aaqqiiviginiarlugu peqatigitillugulu ornittagaqalernissamik suliniuteqarnissap aallartikkasuartoqarnissaa politikikkut kissaateqartigineqarmat.

Tamatumunnga atatillugu Anigaasaqarnermut ataatsimiititaliap aprilimi 2008-mi nalinginnaasumik ataatsimiinnermini akuersissutigivaa aallaqqaammut ornittagassap allaffissainik pingasuugalartunik B1144 iluarsartuunneqassasoq, taamaattorli alimasinnerusoq isigalugu inissaqarluartumik ornittagassaqarnissaaq aallaavigalugu kommunep suliniutini ingerlatiinnarlugit. B 1144-ip ilaqutariit ornittagaattut atorneqarnissaannut iluarsartuussinermi anigaasaliissutaasut atorneqareersullu 254.000 koruuniupput.

Aprilimi alajangiisoqarmalli B1144-p allilernerqarnissaa aamma Sisimiuni B-1247 Qajaasat 2-miittoq ilanngunneqarnissaa ingerlatsiviup sulissutigilerpai.

B 1247-p INI A/S-imiit attartornera 2008-imi aasaleqqaarnerani pissoq, periarfissatut ilisimaneqanngikkallartutut ilaliunneqarpoq, ornittagassamilu inissamik amigaateqarnermi illu taanna aaqqiisutaagallartutut atorneqarsinnaavoq.

B1247 immikkoortortami A16-imi inissisimavoq, illoqarfimmi immikkoortortami pilersaarummi A16a-p iluaniilluni, illullu initai arfineq marluusut ataatsimoorussatut allaffittullu atorluarneqarsinnallutik. B1247-p ilaqutariit ornittagassaattut atorneqarnissaanut eqqaamiunik tusarniaaneq juulip qaammataani 2008-mi pivoq. Piffissaliunneqartup qaangiunnerani juulip 22-ni 2008-mi taamatut atorniarneqarneranut tunngatillugu oqaaseqaatinik takkuttoqanngilaq, kingunerisaanillu Teknikkimut avatangiisinullu ataatsimiititaliap siumut akuersissutigereernikuummagu Teknikkimut avatangiisinullu ingerlatsivimmiit allaffissornikkut akuersissutigivaa.

Illumut tunngasut

- Illu 180 m² –isut angitigivoq, quleriulluni marlunnik perusuersartarfilik, qaliani iggaveqarluni, quleriinni marluusuni isertarfeqarluni. Inimi allermi sisamanik initaqarpoq, allaffittut allatulluunniit atorneqarsinnaasut.
 - o Ini ataaseq 16 m²-ip miss. angitigisoq
 - o Ini ataaseq 20 m²-ip miss. angitigisoq, inimut qullermut majuartarfilik isaarissamullu ammannartoq
 - o Ini ataaseq 20 m²-ip miss. angitigisoq, qullii naqqalu iluarsaanneqaqqammersut
 - o Ini ataaseq 15 m²-ip miss. angitigisoq
- Qaliani initai pingasuusut allaffittut allatulluunniit atorneqarsinnaapput.
 - o Ini ataaseq 10 m²-ip miss. angitigisoq
 - o Ini ataaseq 12 m²-ip miss. angitigisoq
 - o Ini ataaseq 30 m²-ip miss. angitigisoq, iggavimmut isaarialik inillu ataanut ammukartarfilik/majuartarfilik.
- Illu iluarsartuunneqareerlunilu atorneqalernissaminut piareerpoq – allaffissornermulli atugassanik oqarasuaatit innaallagissanullu ikkuffilersuisitsinissamut aningaasartuuteqarnissaq ilimagineqarsinnaavoq
- Sivikinnerpaamik ukioq ataaseq attartorneq pissaaq, pisariaqarpallu ukiuni 4-5-ni attartorneqarluarsinnaavoq
- Iluata nalinginnaasumik aserfallatsaalineqarnera attartortup isumagissavaa
- Silataata iluanilu allat aserfallatsaalineqarneri INI A/S-ip isumagissavai
- Illumi atortorissaarutinik assigiinngitsunik pitsanngorsaasoqarpoq, ukiuni qulini ingerlaavartumik nalikilliliinertigut
- Allani pioreersunik allanngortiterineq attartornerup qaangiutereernerani ileqquattut ilillugit iluarsineqassapput
- Attartortuujumaartussamut attartornermik taamaatitsineq qularnanngitsumik qaammatit 3-6-it sioqqullugit pissaaq

Aningaasaqarnikkut allaffissornikkullu kingunerisinnaasai

Akissarsianut atugassanik 2008-mut 587.000 koruunit immikkoortinneqarnikuuvoq, ininullu atugassanik immikkut aningaasaliisoqarnikuulluni, tassunga ilanngullugu namminersornerullutik oqartus-sat akissarsianut tapiissutaat 650.000 koruuniussallutik.

Taakku aningaasat Ilaqutariit ornittagaattut init atorneqartut B1144-mut B1247-mullu ingerlatsi-nermi aningaasartuutitut matussutissatut atugassatut naatsorsuussaapput, taakkununga ilanngullu-git pisortassamik perorsaasumillu atorfinitsitsinermi akissarsianut aningaasartuutit.

kontomi 74-39-00-50-61 2. mio. koruunit immikkoortinneqarsimapput, ilaqutariinnut ornittagalior-nissamut atugassanik. Kontomit tassanga aningaasat B 1144-mi B 1247-milu atortorissaarutissanik pissarsiniarnissamut atorneqarnissaat kissaataapput, 2008-mi nutaamik Ilaqutariinnut ornittagalior-toqarnissaanut aallartitsinissaq naatsorsuutigineqarsinnaanngimmat.

ILANNGUSSAQ 1-imut tunngatillugu B1247-mi Ilaqutariinnut ornittagalior-nissami ataasiartumik aningaasartuutissat naatsorsorneqarnikuupput, 650.000,- koruunisut annertutigisut, taakkulu anigaa-sat qulaani taaneqartumit kontomit atorneqarnissaat kissaataavoq.

2009-mut ingerlatsinermi missingersuusiornissamut aamma naatsorsuusiortoqarpoq kiisalu ukiut missiliuteqarfiusunut missingersuusiortoqarluni. Missingersuusiornermut tassunga ILANNGUS-SAQ 1 takusinnaavat. allaffeqarfimmiit eqqarsaatigineqarluareerneratigut missingersuummut iluar-siissutit akissarsianut allanilu ingerlatsinermi aningaasartuutitut tunngasut pipput, tamatumani kingunerlugu 1.369.000 koruuninik aningaasartuuteqarnermik. 1.012.000 koruuninut annertussusi-nermiit 2009-mi missingersuutitut ukiunullu missiliuteqarfiusunut ilanngutassatut naatsorsuuta- suniit 357.000 koruuninik aningaasartuuteqarnerunerup naligaa.

Allaffeqarfiup naliliinera

Una iluseq angisuusmik Ilaqutariinnut ornittagaqarnissamut ataatsimoortumut periarfissiinngilaq, tamatumalu angunissaanut sivikinnerpaamik ukiualuit qaangiuppata aatsaat pisinnaamat B1247-p allaffeqarfiatalu B1144-p ataatsimut kattutitinnerisigut Innuttaasullu illuanni sammisassaqtitsivi-lerlugu taava Sisimiuni Ilaqutariit ornittagaanni ataatsimut isigalugu periarfissagissaartitsisoqas- saaq, B1144 kisimi ornittakkamut ataqtigiissaarivittut atugassatut siunniussaaqqaartumiit sanilli- ullugu angusaqarfiunerusinnaalluni.

Taamaalilluni allaffeqarfiup nalilerpaa pissutsit taamaanneranni taamatut aaqqiigallarnikkut ornit- takkami sulisut sapinngisamik sumiiffinni amerlanngitsuniittut aallunneqarnerunissaanut periarfis- saalissasoq. Taamatuttaaq Ilaqutariit ornittagaanni sammisassaqtitsinermi ineriartortitsinermilu tunngavissarissaartoqarnerulissalluni.

Isumaginninnermi suliffissaqartitsinermilu ingerlatsiviup innersuutaa

Isumaginninnermi attatsimiititaliamut akuersissutigisassanngorlugu innersuussutigineqassaaq, aningaasaqarnermi ataatsimiititaliamut, kommunalbestyrelsimut ikaarsaariarnermilu ataatsimiititaliamut siunnersuutigeqqullugu

- Ilaqutariit ornittagaata ingerlatsinermi kontuanut 49-02-03 2009-mi missingersuutitut ukiunilu missiliuteqarfiusunut ilassutitut aningaasaliissutit 357.000 koruuniusut akuersis- sutigineqassasut (1.012.000 kr.-nimiit 1.369.000 kr.-ninut qaffaanerit)

Isumaginninnermi attatsimiititaliamut akuersissutigisassanngorlugu innersuussutigineqassaaq, aningaasaqarnermi ataatsimiititaliamut siunnersuutigisassanngortinneqassasoq,

- B-1247-p attartorneqarnissaa ukioq ataasiussasoq, sivitsorneqarnissaanik periarfissalerlugu INI A/S-imut isumaqtigiissutigineqassasoq,
- Ilaqutariinnut ornittagassap initaanik pisatsersuinissamut sanaartornermut kontomiit 74-39-00-50-61-imiit 650.000 koruunimut atortusisoqassasoq
- Sanaartornermi kontomiit 74-39-00-50-61 aningaasat sinneruttut 4.096.000 atorlugit nutaa- mik ilaqutariinnut ornittagaliortoqassasoq

Qulaani taaneqartut immikkut aningaasaliissutit ikaarsaariarnermi ataatsimiititaliap akuersissutigis- sappagit

Isumaginninnermi suliffissaqartitsinermilu ataatsimiititaliami suliap suliarinera

Isumaginninnermi suliffissaqartitsinermilu ataatsimiititaliap aggutsip 6-ani 2008-mi ataatsimiinnermini ingerlatsiviup innersuussutaa akuersissutigivaa.

Qitiusumik ingerlatsiviup innersuussutaa

Qitiusumik ingerlatsiviup innersuussutigissavaa, isumaginninnermi suliffissarqartitsinermilu ataatsimiititaliap taperserlugu innersuussutaa akuerineqassasoq.

Aningaasaqarnermut ataatsimiititaliami suliap suliarinera

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini qitiusumik ingerlatsiviup innersuussutaa akuersissutigivaa.

Innersuussut

Ilaqutariit ornittagaata ingerlatsinermi kontuanut 49-02-03 2009-mi missingersuutitut ukiunilu missiliuuteqarfiusunut ilassutitut aningaasaliissutit 357.000 koruuniusunut (1.012.000 kr.-nimit 1.369.000 kr.-ninet qaffaanerit) qinnuteqaatip akuersissutigineqarnissaa aningaasaqarnermut ataatsimiititaliap Ikaarsaariarnermi ataatsimiititaliamut innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Ingerlatsinermi missingersuut, Ilaqutariit ornittagaat

**Imm. 08 Namminersortunngortumut immikkut aningaasaliissuteqaqqittoqarnissaanik
qinnuteqaat - Maniitsoq**

Journalnr.

Tunuliaqutaq

Kommunalbestyrelsep ulloq 23. April 2008 akuersissutigaa namminersortunngortumut 55.000 kr-inik tapiinissani. Konto atorneqartoq 8.000 kr-inik sipporneqareersimammat 63.000 kr-inik immikkut aningaasaliissuteqaqqittoqarnissaa kommunalbestyrelsep ulloq 3.juni 2008 ataatsimiinnermini akuersissutigaa.

Maleruagassatigut tunngavissat

Soqanngilaq

Pissutsit atuuttut

Inuussutissarsiornerup ineriartortinnissaannut kommunep akuusinnaaneranut tunngatillugu inatsit nr. 23, 18. December 2003 naapertorlugu aningaasaliissutissanut kommunalbestyrelse immikkoortitsisarpoq. Inatsit tunngavigalugu kommune piginneqataassutsinut, qularnaveeqqusiinernut, tapiisutinulluunniit (nunalerinermut tunngasut) 350.000 kr tikillugit atuisinnaavoq. Konto piginneqatigiissutissanik aningaasaliinerup saniatigut allanut tapiisoqarsimanera pillugu sipporlugu atorneqarsimavoq.

Aningaasaqarnikkut allaffissornikkullu kingunerisinnaasai

Konto kr. 63.000-nik sipporneqarsimavoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap kommunalbestyrelsemut immikkut aningaasaliinissap akuerineqarnissaa inassutigaa.

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa.

Innersuussut

Maniitsumi kommunalbestyrelsip karsikkut akiligassamik 63.000 kr.-nik immikkut aningaasaliinissaq ikaarsaariarnermut ataatsimiititaliamut akuereqqullugu inassutigaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Kommunaldirektørep immikkut aningaasaliinissamut qinnuteqaataa.

**Imm. 09 10-40-50-illuliornermut atukkiinissamut immikkut aningaasaliissutissamik
qinnuteqaat - Maniitsoq**

Journalnr.

Tunuliaqutaq

Ukiut 2006, 2007 aamma 2008-mut missingersuutini katillugit kr. 3.407.000,00-it 10-40-50-illuliornermut atukkiinissamut immikkoortinneqarput. Ullumikkut taakkunannga katillugit kr. 2.962.596,00-it atukkiunnarlugit neriorsuutigineqareerput. Taakku saniatigut kr. 292.708,00-nik nutaamik qinnuteqartoqarpoq..

Maleruagassatigut tunngavissat

Illunik sanaartorneq pillugu Namminersornerullutik Oqartussat peqqussutaat nr. 4, 30. Oktober 1998-imeersoq, allanngortinneqartoq peqqussut nr. 1, ulloq 21. Maj 2002, allanngortinneqartoq peqqussut nr. 5, ulloq 15. April 2003.

Pissutsit atuuttut

Qinnuteqaat kingulleq akuerineqarpat, missingersuutini kr. 151.696,00-it sinnerutissapput, taakkulu atukkeeqqinnissamut naammanngillat, 10-40-50-atukkiineq nalinginnaasumik kr. 293.000,00-it missaanniittarmat. Taamaattumik ukioq manna 10-40-50 atorlugu atukkeeqqittoqassappat immikkut aningaasaliinissaq pisariaqarpoq. Immikkut aningaasaliinissamik pisariaqartitsineq ima nalunaarsorsinnaavoq:

Ataatsimik saniatigut atukkiineq	kr. 142.000
Marlunnik saniatigut atukkiineq	kr. 435.000
Pingasunik saniatigut atukkiineq	kr. 728.000
Sisamanik saniatigut atukkiineq	kr. 1.021.000

Ilisimatitsissutigineqassaaq mittarfitoqqami illuliorfigisinnaasat immikkuutaarlugit agguakkat suli pingasunik sinneqarmata.

Aningaasaqarnikkut allaffissornikkullu kingunerisinnaasai

Suli amerlanerusunik illuliornissamut qinnuteqartoqarnissaa ilimantarluinnarmat atukkiinissamut immikkut aningaasaliissutissanik kr. 1.021.000,00-nik qinnuteqartoqarpoq.

Allatseqarfiup aningaasaqarnermullu allatseqarfiup oqaaseqaatai

Maniitsumi kommunalbestyrelsep ulloq 3. Juni 2008 ataatsimiinnermini immikkuutaartunut sisamanut kr. 1021.000,00 –inik atukkiissutissanik immikkut aningaasaleqqittoqarnissaa akuersisutigaa, taakkulu karsimi uninngasuutinit tiguneqassapput.

Allaffeqarfiup naliliinera

Illassutissaqartoqanngilaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap kommunalbestyrelsep akuersinissaa inassutigaa. Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa.

Innersuussut

Maniitsumi kommunalbestyrelsip immikkut aningaasaliisoqarnissaanut ikaarsaariarnermi ataatsimiititaliap akuersinissaa inassutigaa.

Aalajangiineq

Innersuussutigineqartoq akuersissutigineqarpoq.

Ilanngussaq

Ilanngussaqanngilaq

Imm. 10 Kommunip ilisarnaatissaa nutaaq

Journalnr. 00.21

Tunuliaqutaq

Maniitsup aamma Sisimiut Kommuniisa kattunnerannut atatillugu ilisarnaatissaaq nutaaq pilersinneqassaaq. Tunniunneqarsinasunit toqqagaarersoq, januaarip 1-at 2009-mi sioqqutingaatsiarlugu pisariaqalerfiatigut kommunimut ilisarnaatitut atorsinnaasunngorlugu piareersimassaaq. Pappialani ilisarnaatitut, tassalu allakkianut ilisarnaatitut, kommunip pigisaanik ilisarnaasiinerni, soorlu biiliniq, allatinik illullu saqqaani allarpassuarnilu kommunip ilisarnaataa avataanit takussutissiinissami pingaaruteqartillugu. Tamatumani aamma elektronikkikkut atortuuterpassuit ilanngullugit.

Maleruagassatigut tunngavissaaq

Kommunini ilisarnaatit eqqarsaatigalugit isikkuliinissaaq tunngaviusutigut piumasaaqaaterpassuaqarpoq, (*heraldiske principper*) ilisarnaasiornermut tunngavilinnik. Ilisarnaasiornermi tunngavissatigut malittarisassat ersarissarneqarput, ilisarnaatissap sivisuumik piusinnaanissaanut taamatullu avammut takussutisiinikkut pingaaruteqartinneqarnissaanik eqqarsaatiginnilluarnissamut tunngassuteqartunik.

KANUKOKA naapertorlugu ilisarnaasiornermi tunngavissat sanioqqunneqarsinnaanngillat, tassa KANUKOKA allakkami, issuaaneq (quppersagaq:
http://www.kanukoka.gl/default1.asp?o_id=13309&print=true):

*Kommunit ilisarnaataanni piumasaaqaataavoq, ilisarnaasiornermut tunngavissat
(heraldiske principper) qalipaasinermut ilusiliinermullu tunngasut
sanioqqunneqarsinnaanngillat.*

Tamatuma saniatigut KANUKOKA allappoq, issuaaneq:

*Ikaarsaariarnermi ataatsimiititaliap Patent- og Varemærkestyrelse-mut kommunimi
ilisarnaat-tip nutaap nalunaarsukkanut ilanngunneqarnissaanik innersuussuteqassaaq.
Siunnersuutip immikkut piumasaaqatinik naammassinnissimanissaata saniatigut,
Rigsarkivet-ip kommunip ilisarnaatissaatut qinnuteqarsimanermik uppersaata
ilanngunneqassaaq. Aammattaaq kommuni naalagaaffiup heraldiske-mut tunngasutigut
sunnorsortaanik, Rigsarkivet-mut attuumassuteqartumut siunnersorneqarnissaminik
ilitsersorneqarnissaminillu piumasaaqarnissaminut periarfissaqarpoq.*

Taammaat pineqartumi, tassa Qeqqata Kommuniata nutaamik ilisarnaasiornerni, kommunip Rigsarkivet-miit, seniorforsker Nils G. Bartholdy, oqaaseqaammik piniarsimavoq, akissuteqaamminilu taanna ima allalluni, issuaaneq:

Rigsarkivet-p maluginiarpa, qaqqap ullorissanik avatangiisillip titartarnera tunngaviatigut isumaavoq pitsaasoq. Ilisarnaasiornermi tunngavissat immikkuullarissut naammassiniassagaanni, qaqqaq imaluunniit qaqqat piviusorpalaarluinnartuusariaqanngillat, assingusunnngorlugilli titartarneqassallutik. Ilulissat Kommuneata ilisarnaataaniittoq iluliaq qaqqamik assingusunnngortitsinissamut takussutissaalluarpoq, ilanngussaq nuutsitaq takuuk. Aammattaaq sverige-mit Älvsbyns kommuneata ilisarnaataani paarnarsuaq qernertoq ilanngussaq nuutsitaq takuuk. Ilisarnaat tassaangilaq nunap assilinera, timitaqanngitsumilli suuneranik ersersits-niartuus-salluni. Titartakkami qaqqamik ersersitsiniartussaq, ilisarnaatip toqqaviata sinaanut apuutsitaassariaqanngilaq. Siunnersuummi tungujortumik titarneq qaqortumillu titakkat marluusut ilaasariaqanngillat. Taakku ilanngutinnginnerisigut pingaarnertut titartagar-taa kissaa-tigisatut takujuminarnerulissaaq.

Ilisarnaasiornermut tunngaviusuni tunngaviusumik pingaartitaavoq, titartagartat toqqavissa-mik sapinngisamik ulikkaarinnissimanissaat. Taamaammatt qulaaniittut ullorissat marluusut arfinillillu ataaniittut anninngungaatsiarlugit toqqaviusoq tungujortoq ulikkaarsimasariaqarpaat. Ullorissat qulaani inissitaanerat pissusissamisuuinnarsorinar-poq. Uloorissat arfinillit ataaniittut, assersuutigalugu pingasut, marluk ataaserlu quleriissillugit inissinneqarsinnaallutik, taamaalilluni ilisarnaatip ilusianut tulluuttunngorlugit.

Ilisarnaammi titartakkat illugiiffaarissuseq (symmetri) atorlugu inissitaasariaqanngillat.

Qalipaat qasertoq ilisarnaasiornermi atorneqarneq ajorpoq. Qaqqaq ullorissat peqatigalugit qaqortuusariaqarpoq, tungujortumik tunuliaqutalik. (Juulip 14-ni 2008-mi allakkat)

Sermitsiaq nr. 25. 2008 qupperneq 48-mi, Nils G. Bartholdy qalipaasersuineq pillugu issuarneqar-poq:

Qaqqat qaqortuusariaqarput/ sølv-iullutilluunniit, ilaatigut qasertuutinnagit (taanna ilisarnaasiornermi atorneqarneq ajormat).

Kingusinnerusukkut Nils G. Bartholdy nalunaaruteqarnermi akissuteqaatini erseqqissarpaa, tassa kommunip ilisarnaasiornermi tunngaviusumik malittarisassat malittariaqarnerai pillugu, issuaaneq:

Nalunaarummi nr. 600-mi juunip 12-ini 2007-imeersup § 4 imm. 1 nr. 2-a naapertorlugu kommunip ilisarnaataa nalunaarsugaasinnaangilaq, ilisarnaasiornermi tunngavissanik malinninngippat. Nalunaarummi tassani § 2 imm. 2 nr. 3 naapertorlugu kommunip ilisarnaatissaanik nalunaarsuinermit ilanngussisoqarniarluni qinnuteqaammut ilaatigut Rigsarkivet-miit ilisanaatissatut qinnuteqaat pillugu uppernarsaat ilanngunneqassaaq. Rigsarkivet-ip taamaallaat uppernarsaat tunniussinnaavaa, ilisarnaasiornermi tunngavissat malinneqarsimappata. Tamanna ima paasineqassaaq, kommuni ilisarnaatitaarusukkuni taannalu nalunaarsuinikkut illersorniarlugu kommunit ilisarnaataasa nalunaarsuiffiannut nalunaarsuganngortinniarlugu, taava siunnersuut Rigsarkivet-miit akuersissutaasariaqarpoq.

Siunnersuutip juulip 8-ni 2008-mi Rigsarkivet-mut saqqumiunneqartup,

ilisarnaasiornissami tunngavissanik naammassinnissimangilaq. Taamaammat periarfissat arlallit uparuarsimavakka, tassa ilisarnaasiorniarnermi pingaartitat pingaartillugit ilisarnaasiap titartarneqarnissaani. Kommune ilisarnaasiornissami tunngavissat naapertorlugit toqqaaniarpoq. Siunnersuutit nutaat takorusussinnaavakka.
(Aggustip 7-ini 2008-mi mailerut)

Pissutsit atuuttut

Matuma qulaani eqqartorneqartut aallaavigalugit, ilisarnaatissatut ajugaassutaasumik iluarsaassilluni kommune titartagaliarpoq. Titartaqqitaq matumuuna saqqummiunneqarpoq.

Titartaqqitat allaaserineri (Info Design Aps, Nuuk):

Titartaqqinnermi Rigsarkivet-ip ilisarnaasiornermi tunngavissatut piumasarisatigut ilisimasalittaata oqaaseqaatai tusaatissatut tiguavut, titartaanerlu ingerlateqqillugu, taamaalilluni titartakkakut ilisarnaatissaq angisuunngorlugu mikisuunngorluguluunniit atorsinnaasunngorlugu.

Titartakkap imarisaa:

Ilisarnaatai "Nasaasaq" aamma "Iviangiusat" taaguutaannut assingusarlugit kiisalu ilisarnaasiornermi tunngavissatigut titartaanikkullu piumasaqaatinut naapertuuttunngorlugit. Ullorissat ersarissunngorugit ataatsimoortillugillu ilanngunneqarput.

Qalipaataa: Ilisarnaasiornermi qalipaait atorineqarsinnaasut marluk atorlugit ilisarnaat tungujortumik sølv-imillu qalipaasigaavoq.

Ikaarsaariarnermi ataatsimiititaliami suliap suliarinera

Ikaarsaariarnermi ataatsimiititaliap maajip 20-ini aamma juunip 10-ani 2008-mi ataatsimiinnerini ilisarnaatissatut siunnersuutit ataatsimiissutaapput.

Innersuussut

Qeqqata Kommuniata ilisarnaatissaatut titartaqqitat Ikaarsaariarnermi ataatsimiititaliamut akuereq-qullugit saqqummiunneqarput.

Aalajangiineq

Taasinnermi innersuussutigineqartoq akuersissutigineqarpoq
13-it akuersissut
2-t taaseqataangitsut (Morten Siegstad, Evelyn Frederiksen)

Ilanngussa

1. Kommunip ilisarnaatissaa titartaqqitaq.

Imm. 11 Qeqqata Kommuniiani pingaartitat politikkillu ataatsimoorussat

Journalnr. 01.00

Tunuliaqutaq

Maniitsup Sisimiullu Kommuniini pisortaqatigiit kommunalbestyrelsillu atuuttuusut kattussuunnisamat sulinermi Qeqqata Kommunitaavani pingaartitanik politikinillu ataatsimoorussanik aallartitsinikuupput.

Tamatuma malitsigisaanik Qeqqata Kommuniata Ikaarsaariarnermut ataatsimiititaliaata ulloq juunip 6-ini 2008-mi isumasioqatigiinnermini pingaartitat politikkillu taakku nalimmassarnikuuvai.

Maleruagassatigut tunngavissaq

Kommunini suliaassarfiit aqqissuuteqqinneqarnerat pillugu Inatsisartut inatsisaat nr. 14, 19. november 2007-imeersumi § 18-imi imm. 2 malillugu, kommunimi nutaami siunissami ingerlatsinerup qanoq qaffasissuseqarnissaani pingaarnertut siuniussassat Ikaarsaariarnermi Ataatsimiititaliap suliarissavai.

Pissutsit atuuttut

Ikaarsaariarnermut ataatsimiititaliamut aqqissuussaannermut isumasioqatigiinnerup takutippaa, pingaartitat pillugit kommunalbestyrelsioreersunit isumaqatigineqartut, Qeqqata Kommunitaavani ilisarnaataasussat.

Pingaartitat arfineq pingasut tulleriaaqqissaarlugit:

- Kiffaanngissuseq
- Nunanut allanut nalimmassarneq
- Periarfissat
- Akisussaaffik
- Sullerissuseq
- Qanilaassuseq
- Alliaratorneq
- Akuutitsineq

Isumasioqatigiinnermi Ikaarsaariarnermut ataatsimiititaliap immikkoortumi politikkkat 4-t anguniagassat tullinnguuttut pingaaruteqassusiat tikkuarpaa:

- Ilinniartitaaneq
- Sulisoqarneq
- IT Attaveqaateqarnerlu
- Innuttaasunut kiffartuussiviit

Soorluttaaq Ikaarsaariarnermut ataatsimiititaliap immikkoortumi politikkkat 8-t pingaaruteqassusiat tikkuaraa:

- Peqqissuseq
- Inuussutissarsiorneq
- Avatangiisit
- Utoqqaat
- Meeqqat inuusuttullu
- Kulturi sunngiffeqarnerlu
- Inissaqartitsineq
- Innarluutillit

Sisimiut Kommuniat aamma Maniitsup Kommunua ataatsimoorussaminnik innarluutilinnut politikkeqarput kiisalu meeqqanut inuusuttunullu politikkipissaq ataatsimoorutassaq akuerineqangajalerpoq. Taakku saniatigut Maniitsup Kommunua sulisoqarnermut politikkeqarpoq. Taakku saniatigut Sisimiut Kommuniat sulisoqarnermut politikkipimik, utoqqarnut politikkipimik aamma takornariaqarnermut politikkipimik peqarpoq. Politikkipimik nutaanik suliaqarnermi, maanngaaniit misilittakkat kiisalu Siumut Atassutillu akornanni isumaqatigiissutit ilanngunneqarunik tulluartsuussagaluarpoq.

Aningaasaqarnikkut allaffissorinnikkullu kingunerisinnaasai

Allaffissornermi piffissap atorneqartut saniatigut, politikkipimik suliaqarnermi toqqaannartumik aningaasatigut kinguneqarneq ajorpoq. Malitsigisaanik attuumassutilinnik iliuusissatut pilersaarutimik politikkipikkut akuersissuteqartoqarpat, aningaasaqarnernikkut allaffissorinnikkullu kinguneqassaaq.

Allaffeqarfimmut kiisalu politikkerit innuttaasutulli kommunerujussuarmi pingaartitanut aamma politikkipimik ilisimasat sumut ingerlanermit tikkuussisussaapput pingaarutillit. Tamaattumik takorluukkat anguniakkallu taakku kommunep nutaap 2009-mi januaarip 1-ni aallartinnginnerani pilersinneqarnissaat pingaaruteqarpoq.

Pingaartitat politikkipillu aallaavigalugit allaffeqarfik ataatsimiititaliallu 2009-mi ukiup affaani siullermi iliuusissatut pilersaarutinut siunnersuutinik suliaqarsinnaapput. Tamatumani suliniutit tigussaasut pilersaarusiornermi ilanngunneqarsinnaapput, tamatuma malitsigisaanik Qeqqata Kommunianut kommunimut pilersaarusiornermut suliaqarnissamut tunngaviusaaq.

Allaffeqarfiup naliliinera

Allaffeqarfiup nalilerpaa, politikkipimik ataasiakkaanik suliaqarnissaq ataatsimiititaliani susassaqartuni piaartumik aallartittariaqartoq. Soorluttaaq ataatsimiititaliat susassaqartut politikkipimik assigiinngitsunut akisussaaffiginngisaminnut ilisimasassanik tapersiinissaminnut periarfissaqassapput.

Aningaasaqarnermut ataatsimiititaliami suliaq suliarinera

Ikaarsaariarnermi ataatsimiititaliap Aningaasaqarnermut ataatsimiititaliaata aggustip 12-ani 2008-mi ataatsimiinnermini suliaq sularivaa. Ataatsimiititaliat assigiinngitsut pingaarnerusumik politikkipikkut anguniakkat piareersassavaat.

Innersuussut

Aningaasaqarnermut ataatsimiititaliap Ikaarsaariarnermut ataatsimiititaliamut akuereqqullugu innersuussutigissavai,

aningaasaqarnermut ataatsimiititaliap akimortumik politikkipimik sisamat (ilinniartitaaneq, sulisoqarneq, IT & attaveqaateqarnerlu amma innuttaasunik sullissineq) akisussaaffigissagai

ilaqutariinnut ataatsimiititaliap utoqqarnut politikkipimik aamma innarluutilinnut politikkipimik suliaqarnissaq (innarluutilinnut politikkipimik ataatsimoorussa qioreersorluunniit akuersissutiginnarlugu) akisussaaffigissagaa

teknikkimut avatangiisinullu ataatsimiititaliap avatangiisinut politikkipimik aamma ineqarnermut politikkipimik suliaqarnissaq akisussaaffigissagaa

ilinniartitaanermut, kulturimut sunngiffimmullu ataatsimiititaliap kultureqarnermut sunngiffeqarnermullu politikkipimik suliaqarnissaq akisussaaffigissagaa

inuussutissarsiutititut suliffissaqartitsiniarnermullu ataatsimiititaliap aamma aatsitassanut attaveqatigiinnermullu ataatsimiititaliap inuussutissarsiutitut politikkimik suliaqarnissaq akisussaaffigissagaa

ilaqutariinnut ataatsimiititaliap aamma ilinniartitaanermut kulturimut sunngiffimmilu ataatsimiititaliap meeqqanut inuusuttunullu politikkimik aamma peqqissutsimut politikkimik suliaqarnissaq akisussaaffigissagaat

ataatsimiititalianut susassaqtunut politikkinut immikkoortunut nutaanut siunnersuutaasinnaasunut tunniussivissaat kingulleq tassaassasoq septemberip 30-at 2008-mi

ataatsimiititalianut susassaqtunut politikkinut immikkoortunut allanut isumassanik tunniussinisaminnut tunniussivissaat kingulleq tassaassasoq oktobarip 31-at 2008-mi

ataatsimiititaliat susassaqtut politikkinik ataatsimoorussanik suliareriikkanik Qeqqata Kommunanut tunniussivissaat kingulleq tassaassasoq decemberip 31-at 2008-mi

Aalajangiineq

Oqaaserineqartut ilanngullugit innersuussutigineqartut akuersissutigineqarput.

Ilanngussat

1. 2008-mi juunip 6-iani isumasioqatigiinnermiit pingaartitanut politikkinullu takussutissaq
2. Suleqatigiinnissamat isumaqatigiissut ”Kommunerujusuarmi ineriartorneq” Siumut Atassutillu akornanni maajip 22-ni 2008-meersoq

Imm. 12 Assigiimmik akeqartitsinerup aaqqissuuteqqinnera pillugu naliliineq

Journalnr. 25.00

tunuliaqutaq

2004-mi inatsisartut isummerput, innaallagialaq, imeq kiisalu kiassarneq pillugit akit allanngortinneqassasut. Aalajangiinerup kingunerivaa, akit 2005-imiit 2009-mut akiviusut tunngaviginerullugit aaqqiiffigineqassasut. 2004-mi aalajangernerumut atatillugu aamma aalajangiunneqarluni, 2008-mi nalilersuineq ingerlanneqassasoq. Assigiimmik akeqartitinerup aaqqissuuteqqinnissaanut tunngavigineqarluni, assigiimmik akeqartitsineq qangali atuuttusoq inuiaqatigiinni aningaasaqarniarnikkut naleqqutinnitsoq. Nunap karsiata aningaasaataasa inuiaqatigiinni qanoq atorneqartariaqarnerisa ersarluppallaarnerat naliliiffigineqarpoq, taamalu allatigut agguataarinnissinnaanernut killiliilluni. Innallagissap, erngup kiassarnerullu akiisa aningaasartuutiviit takussutissaqartinnigilaat. Peqatigitillugulu akileraarutitigut aaqqissuusseqqittoqarluni, ilanngaattissat aalajangersimasut appasinnerpaaffiat qaffanneqarluni, taamaalillutik akissarsiakinnerit innaallagissap erngullu akiisa qaf-fasippallaarnerinut iluarsiiiffigineqarlutik.

Innaallagissap, erngup kiassarnerullu assigiimmik akiisa aaqqiiffigineqarnerini siunertaalluni:

- Aningaasartuutiviit ersarinnerulersinnissaat
- Inuutissarsiuteqarfiit aningaasaliissuteqarsinnaanerat ersarissumik tunngavilimmik pisinnaanissaa qulakkeerniarlugu
- Sumiiffinni aningaasaliinerit atuinerillu inuiaqatigiinni aningaasartuutitut naapertuuttuunissaat qulakkeerniarlugu
- Inuutissarsiuteqarfiit innaallagissamik, imermik kiassarnermillu atuiffiunerusut innaallagissap erngullu akisuneruffiiniinniginnissat qulakkeerniarlugu
- Tapiissutit ersarinnerulernissaat anguniarlugu

Nalilersuinerup siunertarivaa, akitigut aaqqissuusseqqinneq akileraarutitigut aaqqissuusseqqinnermut atatillugu qanoq kinguneqarsimanerata qulaajaaffiginissaa.

Maleruagassatigut tunngavissaq

Pissutsit atuuttut

Assigiimmik akeqartitsinerup aaqqissuuteqqinneratigut pissutsit makkuupput, naliliiffigisallu:

- Naak akitigut akiviit aallaaviginissaat kissaataagaluartoq, atuisut nunallu karsiata taamatullu Nuummi atuisut akornanni suli annertuumik agguataarinerit atuupput. Nuummi innaallagissamik atuisuniit 14,26 mio. koruunit agguassinermi tigusaapput Nuummilu kiassarnermiit 45,32 mio. koruunit tigusaallutik Nunallu karsianit Nukissiorfiit ingerlanneqarnerinut 73,05 mio. koruunit aningaasaliissutaallutik, taamaalilluni katillugit 133 mio. koruunit inuiaqatigiit iluini agguataarinermi atugaallutik.
- Innaallagissamik imermillu atuisut akitigut qaffasinnerpaaffinniittut aningaasartuutitut sannilliullugu akiliinikinnerupput, tassa akit agguataarinninnermi tapiissutit aqutugalugit appasitsinniarneqarmata. Atuisullu akitigut qaffasinnerpaaffinniittut innaallagissamut imermulluuniit aningaasartuutit akilertanngimmatigut, ilaat imeralinniit imertartaramik kommunnillu akissakinnerusut innaallagissamut imermullu ikiuutitigut akiliuttarlugit.
- Innuttaasut nunaqarfinni najugaliunerusut innaallagissamut qaffasinnerpaamik akiliisartuupput, akiviillu atorlugit nunap sinnerani akiliisarlugit, Nuuk, Kuummiut aamma tasiusaq minnerpaaffissamik akiliisaramik kisimik pinnatik.
- **Innaallagialaq:**

Innuttaasut **9,6 procentii** qaffasinnerpaamik akiliuteqartarput, tassalu kWt-imut 3,52 koruuninik, innuttaasut 5.276-it illoqarfinni marlunniittut nunaqarfinnilu 39-iittut, taakkunani Napasoq, Itilleq aamma Sarfannguit ilaallutik.

Innuttaasut **62,0 procentii** akiviit atorlugit akiliuteqartarput, innuttaasut 34.203-it illoqarfinni 14-iittut nunaqarfinnilu 14-iittut, taakkunani Maniitsoq, Atammik, Kangaamiut aamma Sisimiut ilaallutik.

Innuttaasut **28,4 procentii** minnerpaamik akiliuteqartarput, tassalu kWt-imut 1,44 koruunit, innuttaasut 15.697 illoqarfimmi ataatsimi nunaqarfinnilu marlunni najugallit.

• **Imeq:**

Innuttaasut **40,4 procentii** qaffasinnerpaamik akiliuteqartarput, tassalu m³-imut 31,97 koruuninik, innuttaasut 22.283-it illoqarfinni 11-ni nunaqarfinnilu 55-ini najugallit, taakkunani Maniitsoq, Atammik, Napasoq, Kangaamiut, Itilleq Sarfannguarlu ilaallutik.



Innuttaasut **46,7 procentii** akiviit atorlugit akiliuteqartarput, innuttaasut 25.780-it illoqarfinni 4-ni nunaqarfinnilu 0-ini najugallit.

Innuttaasut **12,9 procentii** appasinnerpaamik akiliuteqartarput, tassalu m³-imut 11,68 koruuninik, innuttaasut 7.113 illoqarfinni marlunniittut nunaqarfinnilu 0-ini, taakkunani Sisimiut ilaallutik.

- Imermut atatillugu imaappoq, nunap annersaani akit qaffasinnerpaat atuullutik. Qaqortumi, Nuummi, Aasianni Ilulissanilu akiviit tunngavigalugit akilersuisoqarluni, akillu appasinnerpaat Paamiuni aamma Sisimiut akilersorneqarlutik.
- Innuttaasut amerlanersaat akitigut aaqqissusseqqinnermik annertuutigit eqqugaanngillat. akitigullu aaqqissusseqqinneq akileraarutitigit aaqqissusseqqinnermut sanilliukkaanni, innuttaasut amerlanersaat aningaasatigit atugarissaarnerulerlutik.
- Inuilli sumiiffinni akissarsiaqissaarnerusut innaallagissap erngullu akiisigut aaqqissusseqqinnermit eqqugaanerullutik.
- Akitigut aaqqissusseqqinneq sumi najugaqarnermut sunniuteqanngilaq. Nunaqarfinniit nutsernerit ingerlarusaarput, tassa aaqqissusseqqinnerup siornanut assingusumik.
- Inuutissarsiutillit unammillersinnaassusiat akitigut aaqqissusseqqinnermit ersittumik eqqugaanngilaq, ulluinnarnili pisiassat akiisigut malunniuteqalaarsinaagunararluni.
- Nunaqarfinni aalisakkanik tunisassiornikkut 2003-mut sanilliullugu ullumikkumut erngup akiata qaffariarnera malunniuteqarsimavoq. 2003-mi m³-rimut 5,87 koruuniniit aalisakkanik tunisassiorfiit ilaanni 2008-mi 31,97 koruuninut. Tamatumani aalisakkeriviit nunaqarfinnilu tunitsiviit ilarpalussuisa atuisut allat assigalugit sulii imermut akiliutit qaffasinnerpaat akiler-sorpaat, tassa sumiiffinni imermik atuinnermi aningaasartuutit akit qaffasinnerpaaffiiniit pi-ngasoriaammik qaffasinnerummata.
- Akitigut aaqqissusseqqinneq pinngikkallarmat aalisakkanik sulliviit kWt-imut 0,66 koruuninik akiliisarsimapput. Nunami maani aalisakkanik sulliviit amerlanerpaartaat, ullumikkut taasuminnga annerusumik akiliuteqartarput.
- Ataatsimut isigaluni innaallagissamut imermullu akit aalisakkanik sullivinnut tunngatillugu akinik aaqqissusseqqinnikkut qaffariarsimapput. Imermullu akiliutit qaffariarnerulaarsimalutik, tamatumani imermik atuffiunerusut annerpaamik eqqugaallutik.
- Aalisakkanik sulliviit innaallagissamut imermullu sumiiffinni aningaasartuutit pingajuarterutaat akilertarpaat. 2008-mi inuiaqatigiinnut 102 mio. koruuninik akeqarsimalluni, tassa Nunap karsianiit Nuummilu atuisut akiligaat.
- Ataatsimut isigaluni akitigut aaqqissusseqqinnikkut aningaasartuutiviit ilisimaneqarnerulerput – tamakkiissumilli sunniuteqaratik.
- Akit qaffasinnerpaaffiiniit appasinnerpaaffiinnut ikaarsaariarnerup nalaani (2005-imiit 2009-mut) innuttaasut amerlanerpaartaasa innaallagiaq imerlu akikinnerulertutut misigissavaat.

Uuliap akia Nukissiorfinnut sumiiffinni innaallagissamik imermillu tunisassiornikkut annertuumik sunniteqassaaq. Uulialli akia ukiuni kingullerni Kalaallit Nunaanni annertuumik qaffannikuunngilaq, akikitsuusimalluni nikeranngingajavillunilu naak uulia tunisassiassaq nunarsuarmi akitsungaatsiarnikuugaluatoq. Tamatumani 2006-imi novembarimi KNI A/S-ip isumaqatigiissuteqarnermini akimik qulakkeerinnissimaneramik peqquteqarpoq, tassa 2009-ip naanerata tungaanut nappartamut 62,60 USDollar-imik akiliisarnissani piginneqatigiiffiup qulakkeersimammagu, nunarsuamilu uuliamik tunisassiap 2008-mi nappartamut akia 150 USDollar-malluni. KNI-p naatsorsuutigivaa, 2009-mi uuliamik tunisassiap pisiamik sinnera nungussasoq. Tamatuma kingorna KNI A/S nunarsuarmi akit tunngavigalugit uuliamik pisisalissaaq, tamannalu nunami maani akitigut qaffariangaatsiarnermik kinguneqarsinnaalluni, tassa nunarsuarmi akit taama qaffasitsigiinnassappata. KNI A/S nutaamik isumaqatigiissuteqarnissani ingerlappaa, tamatumani akitigut qulakkeerinnissimanerup naanerani akitigut killilersimaarinninniarluni, atuisut akiliutissaat sapinngisamik appasitsiniarlugit.

Qeqqata Kommuniani innallaagissap erngullu akiisa 2003-miit 2008-mut nikerarneri:



Titartakkt takutippaat, Qeqqata Kommuniani Kangerlussuaq ilanngunnagu inoqarfinni innaallagissap akia Sisimiut, Maniitsoq Kangaamiullu pinnagit qaffakkiartorusaartoq. Erngup akia eqqarsaatigalugu, tamani akeq qaffakkiartorsimasoq, Sisimiunili appariartorusaarsimalluni.

Siunissami akit ingerlanissaat

Siunissami akit ingerlanissaat 2009-mi Inatsisartuni aalajangiiffigineqarnissaat naatsorsuutigineqarpoq, tassa akitigut aqqissuusseqqinneq naammassippat.

2009-mi akitigut ingerlanissamik eqqoriaanerit

Nuna tamakkerlugu akit assigiit eqquteqqinneqarneri

2006-imi atuisimaneq tunngavigalugu Nukissiorfiit 2008-mi aningaasartuutissatut naatsorsuutigineqartut suliarisimavaat, akillu assigiit eqquteqqinneqassagaluarpata 2008-mi taanna imaassalluni:

Nuna tamakkerlugu akit assigiit tapiissutitalit tapiissutitaqanngitsullu kiisalu inuutissarsiuteqarfiit ilanngullugit.

Innaallagiaq tapiissutitalik	Imeq tapiissutitalik	Innaallagiaq tapiissutitaqanngi	Imeq tapiissutitaqanngi	Inn. tapiissutitaqanngi Inuutissarsiuteqarfii t ilanngullugit	Imeq tapiissutitaqanngi inuutissarsiuteqarfii t ilanngullugit
2,51 kr./kWh	23,29 kr./ m ³	2,97 kr./kWh	23,29 kr./ m ³	2,23 kr./kWh	26,29 kr./ m ³

Aallerfik: Akitigut aqqissuusseqqinnerup kingunerisaasa naliliiffigineri, Namminersornerullutik Oqartussat.

Tapiissuteqartoqaralarpat Nunap karsianiit 17 mio. koruunit tapiissutaassagaluarput, tassa akitigut aqqissuusseqqinneq sioqqullugu pisut assigalugit. Assersuutigalugu ullumikkut Nunap karsia akit qaffasinnerpaaffiat apparsimaartinniarlugu Nukissiorfinnut 73 mio. koruuninik tapiissuteqartarpoq. 2007-imi aalisakkanik suliffeqarfinni akit immikkut appasitsinnerinut 83 mio. koruuninik tapiissu-

teqarfiupput. Aalisakkanik suliffeqarfiit atuisunut akit nalinginnaasut akilertaraluarpagitigit, taman-na inaallagissap 2003-mi akuisunut apparnerinik erngullu akiata qaffalaarneranik kinguneqassagalu-arpoq.

Pitsaaqutai:

Aqukkuminartoq, akit aalajaatsut, nammaqatigiinnissamik siunertalik, innaallagissap erngullu akii nikeranngitsut, sumiiffinni imeqarfilinniittut allanut sanilliullugit pitsaanagerusumik pineqanngitsut, naak pilersitsinermi atortut akikinnerugaluartut. Inuutissarsiuteqarfiit eqqarsaatigalugit akit assigiit. Nukissiorfiit aningaasaqarnermi Inatsimmiit tapiissuteqarfittut peerneqassaaq.

Ajoqutai:

Inuiaqatigiit aningaasaqarnerat isigalugu naleqqutinngilaq, tassa aningaasat agguaanneri ersarluk-kamik, taamaalillunilu allatigit agguataarinernut akornutaassalluni. Akit aningaasartuutiviit takus-sutissinngilaat. Inuiaqatigiit aningaasaqarnerat isigalugu sumiiffinni aningaasaliissutit atuinerlu immi-
nutaassalluni.

Kommunini akit assigiit

Matumuuna kommuunerujussuarni sisamani akit assigiit naatsorsorneqassapput. Kommuunerujus-suit taakku sisamat tamarmik akigititaat aingaasartuutivitsigut akigititat atorlugit naatsorsorneqas-sapput, soorluttaaq taama sumiiffinnut tamanut taama ullumikkut pisoqartartoq. Ullumikkut akit annerpaaffiat/minnerpaaffiat, aalisakkanillu sullissivinnut immikkut akit appasissut ingerlaqqis-sapput.

Eqitsit takussutissiaq, tassa akit kommuunerujussuit agguartaarneqassagaluarpata

	Aalisakkeriviit innaallagialaq (kr./kWh)	Atuisut allat inn. (kr./kWh)	Aalisakkeriviit imeq (kr./ m ³)	Atuisut allat imeq (kr./ m ³)
Qaasuitsup Kommunia	0,90	2,70	12,20	31,90
Qeqqata Kommunia	0,80	2,40	5,88	17,63
Kommuneqarfik Sermersooq	0,58	1,73	5,98	17,94
Kommune Kujalleq	0,87	2,62	11,68	31,90

Aallerfik: Akitigut aqqissuusseqqinnerup kingunerisaasa naliliiffigneri, Namminersornerullutik Oqartussat.

Pitsaaqutai: Akit kommuunerujussuup iluani nammaqatigiinnissaq tungavigalugu suliaassapput.

Ajoqutai: Inuiaqatigiit aningaasaqarnerat isigalugu naleqqutinngilaq, tassa kommunit akornini assi-giinnginnerit annertusinnaammata. Taama aqqiinissami aalisakkanik sulliviit 118 mio. koruuninik aningaasatigut tapiiffigineqarnissaat pisariaqassaaq. Ullumikkumullu sanilliullugu aamma ersarlun-
nerusussaassalluni.

Eqitsit takussutissiaq, tassa akit kommuunerujussuit inuutissarsiuteqarfiillu agguartaarneqassagaluarpata, tamatumani-
lu aalisakkanik sullivinnut immikkut akit atorunnaarlugit

	Aalisakkeriviit innaallagialaq (kr./kWh)	Atuisut allat inn. (kr./kWh)	Aalisakkeriviit imeq (kr./ m ³)	Atuisut allat imeq (kr./ m ³)
Qaasuitsup Kommunia	2,70	2,70	31,90	31,90
Qeqqata Kommunia	2,40	2,40	17,63	17,63
Kommuneqarfik Sermersooq	1,73	1,73	17,94	17,94
Kommune Kujalleq	2,62	2,62	31,90	31,90

Aallerfik: Akitigut aqqissuusseqqinnerup kingunerisaasa naliliiffigneri, Namminersornerullutik Oqartussat.

Pitsaaqutai: Aqukkuminartoq, nammaqatigiinneq, akit aalajaatsut, agguartaarinermi inuutissarsiutitigtut naligiimmik agguassineq. Aaqqissuussinerup kinguneranik Nunap karsianiit tapiissutit atorrunnaassapput.

Ajoqutai: Inuiaqatigiit aningaasaqarnerat isigalugu naleqqutinngilaq, aalisakkanik sulliviit nuunneqarsinnaaneri pisinnaavoq.

Ullumikkut ingerlatsineq

Ullumikkut ingerlatsineq allannortinnagu ingerlaqqinnassaaq, tamannalu Nukissiorfimmut ingerlatsinikkut Nunap karsianiit suli 73 mio. koruuninik tapiissuteqarfiussalluni.

Pitsaaqutai: Aaqqissuussineq pisariitsoq, akivinnut qanittoq ersarissuseqarlunilu.

Ajoqutai: ikaarsaariarnermut aaqqissuussineq, akit nikerartut, atuisut ikitsunnguit sanaartornikkut aningaasaliissutit akilissavaat. Akit akigititanik ukiunik marlunnik pisoqaassusilinnik tunngaveqarluni ukiorlu ataasiinnaq atorlugu naatsorsukkat, akit minnerpaaffii qaffasinnerpaaffiilu nikerarsinnaapput.

Ullumikkut ingerlatsineq, ukiunut pingasunut naatsorsorlugu

Ullumikkut ingerlatsineq allannortinnagu ingerlateqqinneqassaaq. Naatsorsuinermi periuseq ima allannortinneqarluni, ukiumi kingullermi akit tunngavigalugit akeq naatsorsornagu, ukiulli kingulliit pingasut assigiimmik agguataarneri atorlugit akit assigiisillugit. Nunalli karsia suli ullumikkut tapiissutit angeqqataannik tapiissuteqassaaq, tassa akit annerpaaffissaat apparsimaartinniarlugu.

Pitsaaqutai: Aaqqissuussineq pisariitsoq, akivinnut qanittoq, akit nikerarpiangitsut, inuinnaat atuisut inuutissarsiuteqarfiillu missingersuusiorduarsinnaanerulissapput.

Ajoqutai: Atuisut ikitsunnguit sanaartornermut aningaasartuutit akilissavaat, akit naatsorsorneri allaffissornikkut pisariunerulissapput.

Ullumikkut ingerlatsineq, akit qaffasinnerpaaffii appasissut minnerpaatut akiliutinit aningaa-salersukkat

Ukiunut pingasunut naatsorsukkatulli ittuuvoq, matumanili akit qaffasinnerpaaffii 3,25 koruuninut imaluunniit 3 koruuninut apparlugu, tamannalu agguataarinnikkut akit appasinnerpaaffissaat qaffallugu aningaasaliiffiussalluni, tamatuma akit appartinnerini aningaasartuutit tamakkiisumik aningaa-salersorlugit.

Innaallagissap akiata qaffasinnerpaaffissat inissinneqassaaq 3,25 kr./kWh.

Innaallagissap akiata appasinnerpaaffissaat inissinneqassaaq 1,50 kr./kWh.

Innaallagissamat akeq qaffasinnerpaamik inissinneqassaaq 3,00 kr./kWh.

Innaallagissamat akeq appasinnerpaamik inissinneqassaaq 1,60 kr./kWh.

Aalisakkanik sullivinni immikkut akit appasissut attatiinnarneqassapput, annertuumilli atuisunut akikilliliinerit atorneqarsinnaapput.

Pitsaaqutai: Aaqqissuussineq pisariitsoq, akivinnut qanittoq, akit nikerarpiangitsut. Akit qaffasinnerpaaffissaat appartinneqarnerisigut, inuiaqatigiinni akissakinnerusut akitigut qaffaanermik equugaasut iluaqutserneqassapput.

Ajoqutai: Ukiumiit ukiumut annertuumik nikerarsinnaapput, atuisut ikitsunnguit sanaartornermut aningaasartuutit akilissavaat, ersernerluttoq akitigullu agguataariffiilluni.

Ullumikkut ingerlatsineq, akit qaffasinnerpaaffii appasissut aalisakkanik sullivinni immikkut akinit appasissunit aningaasalersukkat

Una siuliani periutsumut ilanngullugu, aningaasalersorneqarnerali aalisakkanik sullivinnut tapiissutit apparteqqinnerullugit, taakkununga annertuumik atuisunut akikilliliinerit taarsiullugit, tassalu inuutissarsiutillit toqqaannartumik Nukissiorfinnik akikilliliiffiqeqarnissaminnik isumaqatigiinni-assallutik, Nukissiorfiillu sumiiffinni atuisunut atugassarititaasunik pitsanngorsaallutik, tassa periar-fissaqarfitsigut. Tamanna 4,0 mio. koruuninik aamma 8,5 mio. koruuninik naleqassaaq, tassa akit 3,25 koruuninut imaluunniit 3,00 koruuninut appartinnerat, tapiissutillu 4 procentinik aamma 8 procentinik appartinnerinut naapertuulluni.

Pitsaaqutai: Aaqqissuussineq pisariitsoq, akivinnut qanittoq, nukinnik atuinerup appartinnissaanut kajumissaarutaasoq. Akit qaffasinnerpaaffissaat appartinneqarnerisigut, inuiaqatigiinni akissakin-nerusut akitigut qaffaanermik eqqugaasut iluaqutserneqassapput.

Ajoqutai: Ikaarsaariarnermiinnaq atugaassaaq, akit nikerartut, atuisut ikitsunnguit sanaartornermut aningaasartuutit akilissavaat.

Ullumikkut ingerlatsineq, akilli appasinnerit aningaasaateqarfitsigut aningaasalersukkat

Akit nalimmassarniarlugit aningaasaateqarfimmik pilersitsisoqassaaq. Aningaasaateqarfik Nunatta karsianit aningaasalersugaasariaqassaaq imaluunniit Akinik appasinnerpaanik atuisuniit. Akit appasinnerpaaffiinik atuisut aalisakkanillu sullivinni akit ullumikkut aamma taamaapput. Ullumikkumu sanilliullugu agguataarinikkut allannguisoqassanngilaq, agguataagassalli annertussusii allannguuteqarsinnaallutik.

Pitsaaqutai: Nammaqatigiinneq.

Ajoqutai: Nuna tamakkerlugu akinik pilersitsineq, inuiaqatigiit aningaasaqarnerat isigalugu pitsaanngilaq.

Allaffeqarfiup naliliinera

Allaffeqarfik naliliivoq, akit assigiit aaqqissuuteqqinnerata kingunerivaa, nuna tamakkerlugu in-naallagissamut imermullu atatillugu aningaasartuutivitsigut akit ersarinnerulersimapput, taamaalilluni tamatumani akitigut ineriartortitsineq ersarinnerulerluni. Allaffeqarfiulli aamma maluginiaq-qussavaa, akitigut aaqqissuusseqqinneq suli tamakkiisumik ingerlalinngimmat, ikaarsaariarnermi aatsaat 2009-iip naanerani naammatsissaaq. Ikaarsaariarneq naammasseriarpit akitigut aaqqissuusseqqinneq nuna tamakkerlugu atuisunut amerlanerusunut iluaqutaasumik kinguneqassaaq, nunali tamakkerlugu in-nuttaasunut ikitsunnguanut atugassarititaasut ajorserialaassallutik.

Innersuussut

Ikaarsaariarnermi ataatsimiititaliamut aaqqissuusseqqinnerup oqallisigineqarnissaa oqaaseqaateqarfiginissaalu innersuussutigineqassaaq, pingaartumik siunissami peruserineqarsinnaasunut assigiinngitsunut tunngasutigut.

Aalajangiineq

Oqaaserineqartut ilanngullugit tusaatissatut tiguneqarpoq.

Allagaqaatit Ikaarsaariarnermi Ataatsimiititaliap siulittaasuanit ilaasortanut nassiunneqarumaarput inaarutaasumik oqaaseqarfigineqarsinnaangorlugit.

Allakkat qarasaasiakkut nassiunneqassapput.

Ilanngussaq

1. Assigiimmik akeqartitsinerup aaqqissuuteqqinnera pillugu nalunaarusiaq.

Imm. 13 Sumiiffinni aamma nunap immikkoortuini nunallu tamat mittarfeqarfiit atorsinnaasaat pillugit Inatsisartut inatsisissaatut siunnersuutip tusarniutaanera

Journalnr. 24.10

Tunuliaqutaq

Kanukoka-p juulip 31-ni 2008-mi mail-ikkut sumiiffinni, nunap immikkoortuini nunallu tamat atorsinnaasaat mittarfeqarfiit pillugit Inatsisartut inatsisissaatut siunnersuut tusarniutaasoq nassiuppaa.

Tusarniaaneq Kanukoka-mut aggustip 28-ni 2008-mut killilerneqarsimavoq, taamaammat Ikaarsaariarnermi ataatsimiititaliap tusarniummut akissutissaa kingusinnerpaamik pingasunngornermi aggustip 27-ini 2008-mi Kanukoka-meeriissaaq.

Maleruagassatigut tunuliaqutaq

Inatsisartut inatsisaat soqutigisaqaqatigiinnut tusarniutaareerlutik Inatsisartunit akuersissutaasarpot. Matumani ilaatigut Kanukoka pineqarluni, taassumalu ikaarsaariarnermi ataatsimiititalianut ingerlateqqillugu.

Inatsisartut sumiiffinni, nunap immikkoortuini nunallu tamat atorsinnaasaat mittarfeqarfiit pillugit inatsisissaatut siunnersuutip timmisartunut sulusalinnut mittarfinnik sanaartornissaq pillugu Inatsisartut inatsisaat nr. 4 juunip 12-ni 1995-imeersoq taarsissavaa.

Pissutsit atuuttut

Inatsisartut inatsisissaatut siunnersuutikkut ilaatigut Namminersornerullutik Oqartussat aktianik pigineqataassuteqarnersut pigineqataassuteqannginnersulluunniit apequtaatinnagu Namminersornerullutik Oqartussat mittarfeqarfiutaannik pigineqataassutissatut tunniussisinnaaneq periarfissinneqarpoq.

Aningaasaqarnikkut allaffissornikkullu kingunerisinnaasai

Oqaaseqaatit naapertorlugit Inatsisissatut siunnersuut arlalitsigut anguniakkatigut naammassinniartuuvoq.

Siullertut inatsisissatut siunnersuut Inatsisartut ataatsimiinneranni UKA2007/45 suliamik tunngaveqartumik inatsisiliaavoq, tamatumani Inatsisartut Naalakkersuisunut mittarfeqarfiit allatut aaqqiivigineqarnissaat pillugu Inatsisartut inatsisissaannik saqqumiussaqaassat piumasaralugu.

Aappaattullu inatsisissatut siunnersuutikkut Namminersornerullutik Oqartussat kommunillu akornanni nammatassatigut suliassatigullu agguaqatigiittarnissaq pillugu Aaqqissuusseqqinnermik isumalioqatigiissitap taperserlugu innersuusutaa taperserneqarluni, tassalu kommunit mittarfeqarfinnut aningaasaliinikkut ingerlatsinikkullu massakkumut sanilliullugu peqataatinneqarnerulissallutik.

Pingajuattullu siunnersuutikkut nassuerutigineqarluni, nunap karsiata angallarnermut tunngasut tamakkerlugit aningaasalersuiffiginissaat akissaqartinngikkaa. Taamaammat inatsisissatut siunnersuutikkut allatut aningaasaliissuteqarsinnaaneq piginnittuusinnaanermullu tunngasut ilanngunneqarput, tamatumuuna mittarfeqarfinnut missingersuusiornikkut nunap karsiata killissaqartitsineranit peqquteqartumik naammassineqarsinnaanngikkaluanut aningaasaliissuteqarsinnaaneq qulakkearniarlugu.

Sisamaattullu siunnersuutip mittarfeqarfiliorerit aamma/imaluunniit pioreersunik allilerinerit malinnaaffigiuminarsissapput, ersarinnerulerlutik killissarititaasullu nalorninaannerulerlutik, taamaalilluni kinguaattornerit nunallu immikkoortuini politikkikkut isumaqatigiinnginnerit pisinnaajunnaar-lugit.

Allaffeqarfiup naliliinera

Allaffeqarfik naliliivoq, inatsisip oqaasertai immini ajunngitsut. Immikkut pingaaruteqarlutik § 2, imm. 3-p aalajangersarmagu, nutaanik mittarfeqarfiliorerit miitarfeqarfiilluunniit pioreersut nutarterneri nunap sinnerani attaveqarnikkut qanoq kinguneqarnissaat nalunaarusiorneqartassaaq § 3, imm. 1, 1)-p aalajangersarmagu, aallarniutitut aningaasaliissuteqarneq niuernerpalaartumik piumasqaatinik tunngaveqassaaq, angallannikkulu aningaasaqarniarnikkut iluanaarutaasaalluni § 3, imm. 1 2)-p aalajangersarmagu, aallarniutitut aningaasaliissuteqarnermi angallannermi pissut-sit tamakkiisumik isiginiarneqassapput, nunami angallannikkut kiffartuussinermut tamarmiusu-mut ajoqutaasussaanngitsoq

Ajoraluartumik inatsisissatut siunnersuummut oqaaseqaatit Nuummi Ilulissanilu mittarfeqarfiit allineqarnissaannuinaaq isiginiarnerupput. Taamaalilluni Qeqqata Kommuniani iluarsiiisutaasinnaagaluit, kommuunerujussuarni minillugit siunissami mittarfeqarfitsigut iluarsiiisutissatigut periarfissaat eqqaaneqaratik.

Taamatuttaaq oqaaseqaatini mittarfeqarfiit piginneqataassutissatut aktiaatileqatigiiffittut angallannermi ataatsimut isigaluni aqqusinniornernut umiarsualivinnullu ilanngullugit aaqqiiniarnerni tunniunneqarsinnaanerit ersittariaqaraluarluni. Taamaalilluni oqaaseqaatini toqqaannartumik ersittariaqaraluarluni, Kangerlussuarmi Qeqqata Kommunianilu mittarfiit sinneri pillugit Sisimiut Kangerlussuullu akornatigut aqqusinniornissamut atatillugu A/S Umimmak Traffic-imut Niuernermik pilersaarut naapertorlugu piginneqataassutissatut tunniunneqarsinnaasut.

Innersuussut

Ikaarsaariarnermi ataatsimiititaliamut aalajangiiffigeqqullugu innersuussutigineqassaaq, tusarniummut Kanukoka-mut akissuteqarnermini nalunaarutigissagaa,

Inatsisartut Sumiiffinni aamma nunap immikkoortuini, kiisalu nunat tamat akornanni timmisartoqarfiit pillugit Inatsisartut inatsisissaattut siunnersuutip oqaasertai ajunngitsuusut

inatsisissatut siunnersuummut oqaaseqaatini ersittariaqartoq, mittarfeqarfiit attaveqarnikkut ataatsimoortumik aqqusinniornerit umiarsualiviliorerillu ilanngullugit aaqqiissuteqarniarnermut atatillugu piginneqataassutissatut tunniunneqarsinnaasut, tak. A/S Umimmak Traffic-imut Niuernermik pilersaarut

Aalajangiineq

Innersuussutigineqartut akuersissutigineqarput.

Ilanngussaq

1. Unga siunnersuut: Sumiiffinni aamma nunap immikkoortuini, kiisalu nunat tamat akornanni timmisartoqarfiit pillugit Inatsisartut inatsisissaat nr. x.x. af x.x. 2008-meersoq.

Imm. 14 Nutaamik ineqarnermi maalaaruteqartarfiup suliassai pillugit nalunaarusiassap tusarniutaanera

Journalnr. 32.00

Tunuliaqutaq

Kanukoka-p aggustip 1-ani 2008-mi mail-ikkut ineqarneq pillugu maalaaruteqartarfiup sulinera pillugu nalunaarutissatut siunnersuut tusarniutaasoq nassiuppaa.

Tusarniaaneq Kanukoka-mut septembarip 12-anut 2008-mut killilerneqarsimavoq, taamaammatt Ikaarsaariarnermi ataatsimiititaliap tusarniummut akissutissaa kingusinnerpaamik pingasunngornermi septembarip 11-ni 2008-mi Kanukoka-meeriissaaq.

Maleruagassatigut tunuliaqutaq

Inatsisartut nalunaarutissaat soqutigisaqaqatigiinnut tusarniutaareerlutik Inatsisartunit akuersissutaasarput. Matumani ilaatigut Kanukoka pineqarluni, taassumalu ikaarsaariarnermi ataatsimiititalianut ingerlateqqillugu.

Nalunaarutissaq inatsisartut inissianik attartortitsisarneq pillugu peqqussutaanni nr. 2-mi maajip 15-ni 2005-imeersumi, inatsisartut peqqussutaatigut nr. 14-ikkut novembarip 20-ini 2006-imi allanngortinneqartup § 82, imm. 5, aamma § 83, imm. 6 tunngavigalugit suliaavoq.

Pissutsit atuuttut

Nutaamik ineqarnermi Maalaaruteqartarfiup suliassai pillugit nalunaarutissatut siunnersuusiornermut tunngaviuvoq, ineqarneq pillugu Maalaaruteqartarfiup allattoqarfia ineqarnermut tunngatillugu naalakkersuisoqarfimmigunnaarmat.

Naalakkersuisut siulittaasuut aaljangiivoq, isumalioqatigiissitat ataatsimiititaliallu tamarmik Unammillersinnaaneq pillugu ataatsimiititaliap aamma Atuisartunut siunnersuisoqarfik allattoqarfianni ataatsimoorlutik allattoqarfeqalissasut. Naalakkersuisut siulittaasuata tamanna Naalakkersuisunut januaarip 3-ani 2008-mi nalunaarutigivaa. Tamatuma kingunerissavaa, Isumalioqatigiissitanut Ataatsimiititalianullu Aqutsisoqarfiup Ineqarnermi maalaaruteqartarfiup allattoqarfia susassaqarfigilissagaa.

Taamatuttaaq siunnersuutip ataatsimiititaliap ukiumut marloriarluni tallimariassaarluni ataatsimiitarnissaa imaralugu, tassa paasinarsisimammat ukiumut tallimariarluni ataatsimiititaliami ataatsimiitarnissaq pisariaqartinneqanngitsoq. Nalunaarusiassakkut ineqarnermi maalaaruteqartarfiup siulittaasua ataatsimiigiaqquisinnaalissaaq, siulittaasup tamanna pisariaqartutut naliliiffiguniuk.

Aningaasaqarnikkut allaffissornikkullu kingunerisinnaasai
Qeqqata Kommunanut taanna kinguneqassanngilaq.

Allaffeqarfiup naliliinera

Immikkut oqaaseqaatitassaqaanngilaq.

Innersuussut

Ikaarsaariarnermi ataatsimiititaliamut akuereqqullugu innersuussutigineqassaaq, tusarniutaasumut akissuteqaatimini Kanukoka nalunaarfigissagaa,

ikaarsaariarnermi ataatsimiititaliaq nalunaarutiliassamut oqaaseqaatissaqanngitsaq

Aalajangiineq

Innersuussutigineqartoq akuersissutigineqarpoq.

Ilanngussaq

1. Ineqarneq pillugu maalaaruteqartarfiup sulinera pillugu Namminersornerullutik Oqartussat nalunaarutaat nr. xx af xx.yy 2008-imeersoq

Imm. 15 Kalaallit Nunaanni aqqusinertigut angallannermut inatsit naapertorlugu nalunaarutinik atuutilertussanik siunnersuummut tusarniaaneq

Journalnr. 23.06

Tunuliaqutaq

Kalaallit Nunanni aqqusinertigut angallannermut inatsit naapertorlugu nalunaarutit atuutilertussat pillugit KANUKOKA-mit tusarniummik 2008-mi juulip 15-iani Ikaarsaariarnermi Ataatsimiititaliaq tigusaqarpoq.

Maleruagassatigut tunngavissat

Kalaallit Nunaanni aqqusinertigut angallannermut inatsit, inatsit nr. 832 decembarip 18-iani 1991-imeersoq, inatsit nr. 497-ikkut juunip 17-iani 2008-meersukkut allanggortinneqartoq naapertorlugu Nalunaarutit atuutilersinneqassapput.

Pissutsit atuuttut

Nalunaarutit oktobarip aallaqqaataani 2008-mi atuutilissapput.

Nalunaarutit tulliuuttut pineqarput:

1. Kalaallit Nunaanni qitequtaasamik atuinissamut il.il. nalunaarut.
Qitequtaasaqartussaataitaanermut atuinnginnissami akuersissut, meeqqallu qitequtaasaqarnissaannut maleruagassat aalajangersagaanerusut Nalunaarummi pineqarput.
2. Kalaallit Nunaanni qamutit motorinik ingerlateqartut sillimaserneqarnissaannut nalunaarut.
Naalagaaffimmit, Namminersornerullutik Oqartussanit kommuninilluunniit pigineqartunik nalinginnaasumik sillimaserneqarsimasunik qamutininik motorinik ingerlatilinnik ajutoortoqartillugu ajuqusernerit Dansk Forening for International Motorkøretøjsforsikringip (DFIM) akiliisussaannnginneranik aalajangiussaqaarnera eqqaassanngikkaanni Kommunimut attuumassuteqartumik aalajangersakkanik imaqaanngilaq.
3. Kalaallit Nunaanni qamutininik inissiinerimi nalunaaqutaqartarneq pillugu nalunaarut.
Qamutininik inissiinerimi nalunaaquttap isikkussaannut qanorlu atorneqarnissaannut piimasaqaatit pineqarput.
4. Kalaallit Nunaanni qamutininik inissiisarnerup kommuninit nakkutigineqarnissaat pillugu nalunaarut.
Qamutininik inissiisarnerup kommuninit nakkutigineqalernissaat atuutilersinneqalernissaannut qanoq kissaateqarnersoq pillugu Juulip 11-ni 2008-mi mailikkut KANUKOKA Qeqqata Kommuniata akissuteqarnissaannut piimasaqarpoq.
Qamutit motorinik ingerlatilinnik inissiisarnerup nakkutigineqarnissaata kommuninit isumagineqalernissaannut pisariaqartitsisoqartutut kommunip isiginngikkaa Qeqqata Kommunian akissuteqarpoq.
Nalunaarusiortoqaarneranut pissutaavoq, qamutininik inissiisarnerup kommuninit nakkutigineqalernissaannik Nuuk Kommuneanit siusinnerusukku kissaatigineqarnikummat.
Nalunaarummi aalajangersarneqarpoq, Kalaallit Nunaanni aqqusinertigut angallannermut inatsimmi § 55 a, imm. 1-imi taaneqartut nakkutilliinerimi aalajangersakkat malinneqarnissaannut tunngatillugu politiit saniatigut kommunalbestyrelsimit isumagineqarsinnaasut.

Tamatuma saniatigut nalumaarummi aamma pineqarput, qamutininik unitsitsinermi inisseqqasunillu akiligassiisinnatitsinermi piumasagaatit. Aammattaaq pineqarput, kommunalbestyrelsimit akileraarusiat kommunimit akiliisitsiniutaasartut, aamma qamutininik inissitanik nakkutilliinermi isertitat kommunalbestyrelsimit isumagineqartut, kommunalbestyrelsimillu isumagineqartunit isertitat kommunimut nakkutilliisoqarfiusumut nakkartinneqartassasut.

Aningaasaqarnikkut allaffissornikkullu kingunerisinnaasai
Qeqqata Kommunianut kinguneqassanngilaq.

Allaffeqarfiup naliliinera
Immikkut oqaaseqaatitaqanngilaq

Innersuussut

Ikaarsaariarnermi Ataatsimiititaliamut akuersissutigeqqullugu innersuussutigineqassaaq, tusarniaarnermi akissummini KANUKOKA nalunaarfigissagaa,

Ikaarsaariarnermi Atatsimiititaliaq nalunaarutinut tunngatillugu oqaaseqaatissaqanngitsoq

Aalajangiineq
Tusaatissatut tiguneqarpoq.

Ilanngussaq
Ilanngussaqanngilaq

Imm. 16 Tamalaat

Søren Alaufesen-ip angalasimanerminut atatillugu ajornartorsiutaasimasup qanoq
aaqqiivigineqarsimanera apequtigivaa.

Hermann Berthelsen-ip aalajangiivigineqareersoq oqaatigivaa, Sisimiut Kommuneatalu
akiligassarigaa.